

程

新編古今姓氏

新編古今姓氏選華韻辛集卷第一

臨川布衣洪景修進可編

臨川布衣洪景修進可編

昊 昊英氏三皇十氏之一

皞 風俗通少皞裔 蜀錄皞氏

浩 浩生不害 孟子

浩 星公魯人治穀梁春秋

浩 賞趙人青州刺史 漢書

保 保章氏 周禮

保 申楚人 呂氏春秋

棗 穎川 姓纂棘子成後 文士傳棘氏避仇改棗氏

嘉蔭後

棗祗漢羽林監勸曹操屯田許下祗屯田都尉以騎都尉任峻典
農郎將募民耕得穀百萬斛州郡例置田官積穀操征伐四方
無運糧之勞遂并群雄其功起於祗而成於峻任峻傳

棗叔偉鉅鹿太守子據字道彥弱冠辟大將軍府遷尚書左丞

賈充伐吳據自中郎將遷中庶子卒有詩云予非荆山璞謬登

和氏場見文選子腆字玄方以文章擢襄城太守腆弟嵩

字臺彥才藝尤美授中庶子晉史

老風俗通顓頊子號老童

老萊子養父母孝年七十恐親憂其老常着五綵婦嬾衣為嬰兒
戲奉甘旨為親取水堂上足跌而漚因兒啼以悅親避世逃名

東武劉燕庭氏校鈔

耕蒙山之陽莞葭為墻蓬蒿為室衣緼食菽飲水墾山播種或
語楚王老萊隱士王聘以及門方織畚王曰願先生臨

楚國老萊曰山野之人不足守政王曰先生之志老萊曰

王去萊妻挾樵而歸曰何門外車馬跡多老萊曰王使我守

楚國之政妻曰妾聞可食以酒肉者可隨以篋簞可授以官爵

者可隨以鈇鉞今先生食人酒肉受人官爵為人所制也能免

於難乎老萊子與妻逃去隱江南著書號老萊子高士傳

左濟陽齊族左右公子氏焉春秋宋公子目夷左師

秦左師觸龍晉先蔑左行漢御史左行悛

左人郢字子行魯人贈臨淄伯封南華侯贊曰伯彼臨淄左行稱

賢希踪十哲秀穎三千心悅誠服家至戶傳樂只君子文聲益
宣

左儒杜伯友善杜伯非其罪周宣王欲欲殺之儒爭之於王王不
許儒曰臣寧陳君之過以明杜伯之無罪王怒殺杜伯左儒死
之史記

左丘明傳以釋孔子春秋與公羊高穀梁赤並稱春秋三傳

左思字太冲賦三都訪岷邛事於著作張載自求秘書構思十年
門庭藩溷皆置紙筆賦成造皇甫謐求賦序張載著魏都賦劉
達亦序之張華曰班張之流時爭傳寫洛陽紙價增貴初陸機
聞左思作賦撫掌笑與弟雲書曰有傖父欲作三都賦須其成

東武劉燕庭氏校鈔

當以覆酒甕及是賦出機歎服 文苑序曰應正左思江右才

傑 晉

左雄字伯豪冀州刺史奏按貪猾虞詡薦雄有王臣蹇蹇之節宜
司喉舌自議郎拜尚書令 互見周姓

左慈字元放廬江人有幻術著屐策杖徐行孫策躍馬追之不及
曹操欲座上殺之慈入壁間不見一日在座拾銅盤水中釣得
魚又化生姜操又欲殺之慈擲杯于空中如蝶如鶴欲落不落
眾屬目慈不見又一日遇于市欲殺之市人皆與慈同貌又一
日過陽城山下走入羊群化為羊 後漢

左悺唐衡徐璜貝瑗單超共誅梁冀同日封五侯曰左回天貝獨

坐館封上蔡侯

我 風俗通 我子六國時著書

可北複姓 三周太保主雄賜姓可類 後魏可地延氏改延氏

梁河南王可踏振 可達氏并州刺史可朱渾 前燕慕容可

足渾氏

火 唐火拔歸仁 漢火濟從諸葛亮征孟獲有功

新編古今姓氏遥華韻辛集卷第一

東武劉燕庭氏校鈔

終

新編古今姓氏遥華韻辛集卷第二

臨川布布衣洪景修進可編

馬 姓纂本伯益之後超奢封焉服君遂氏焉 前漢溝洫志諫

大夫乘馬延年孟康曰乘馬姓也 又巫馬期 司馬牛 白

馬氏皆複姓

馬援字文淵三兄况余身俱二千石况曰汝大才當晚成良工不

示人以朴且從所好援之北地田牧援曰大丈夫窮當益堅老

當益壯致牛羊馬數千頭穀數萬斛曰凡殖貨財貴能賑施否

則守錢虜耳乃散予昆弟故舊往從隗囂遣往成都觀公孫述

援曰子陽井底蛙耳妄自尊大勸囂專意東方乃奉書洛陽光

武曰卿邀二帝間見卿使人大慙援曰當今非特君擇臣臣亦擇君建第策征隗囂光武拜隴西太守治總大體諸曹事援曰丞掾之任奚足相煩頗哀老子使得遨遊若大姓侵小民黠吏不從令乃太守事援自西城還匈奴烏桓寇邊請伐之曰男兒當死邊野馬革裹尸還塋何能卧床上死兒女手中乎行年六十二被甲上馬踞鞭顧盼示尚可用上曰矍鑠哉是翁平交趾立銅柱曰漢兵不南交趾勿北語僚屬曰從弟游言士生一世能使鄉里稱善人足矣何必沾沾於名利以自苦乎昨浪泊西里下淹上霧仰視飛鳶跼跼墮水中念游平生之語尚可得乎在交趾服薏苡軍還載盈車謗謂皆明珠文犀兄子嚴敦好

東武劉燕庭氏校鈔

譏議人過援戒之曰吾欲汝曹聞人過失如聞父母之名可聞不可道龍伯厚高敦厚謙約吾愛之重之願汝曹效之杜季良豪俠好義父喪致客數郡吾愛之重之不願汝曹效之效伯高不成猶為謹敕士刻鵠不成尚類鶩也效季良不成流為輕薄子畫虎不成反類狗也援子廖字敬平六歲專對賓客援女帝后讀書謙肅衣大練裙不加緣不令外戚受封爵永平詔樊鄩陰馬四姓立學南宮置五經師廖拜衛尉卿封順陽侯奏疏曰百姓從行不從言吳王好劍客百姓多瘡癥楚王好細腰宮中多餓死長安語曰城中好高髻四方高一尺城中好廣眉四方且半額城中好大袖四方金匹帛

馬成南陽人雲臺功臣揚武將軍中山太守封全椒侯

馬武字子張雲臺功臣封楊虛侯

馬宮字游卿射策甲科

馬融字季長受學京兆摯恂以女妻融為通儒教授諸生千餘人坐高堂設絳帳前授生徒後列女樂自校書郎遷南郡太守善鼓琴吹笛有長笛賦 見文選

馬嚴字威卿通春秋交英賢當時大人咸器重之

馬敦字儒卿嚴之弟三輔其行義居鉅下曰鉅下二卿明帝拜御史中丞陳留太守明賞罰別賢奸下車郡境肅清

馬鈞造指南車刻木為人衣五綵能自歌自舞自開戶自舂簸車

東武劉燕庭氏校鈔

左轂一磨右轂一碓車行十里磨麥成米其機巧不用人力 漢史

馬良字季常兄弟五人俱有才名鄉里曰馬氏五常白眉最良拜荆州從事官至侍中

馬謖字幼常良之弟諸葛亮伐魏謖有街亭之敗

馬超字孟起有信布之勇得羗胡拜驃騎大將軍

馬隆字孝興知勇名節自請征羗通涼州拜宣威將軍

馬仙埤字靈馥父喪自負土成墳通冠三軍拜義陽太守 南史

馬光字榮伯從師受學晝夜不息通三禮圖書識記為時儒宗 隋

馬敬德通春秋齊朝通經子熙字長明授皇子孝經 齊書

馬八龍輕財重義其友尹靈哲喪于軍中八龍以家財葬之撫其

孤遺一如所生詔旌表門閭節義傳

馬周字賓王博州莊平縣人周客汴為浚儀令崔賢所辱感激西入關舍新豐逆旅悠然獨酌表天網相曰伏貫腦貴相也岑文本曰鳶火色騰上必速恐不能久入長安主帥將常何家何入奏周為條便宜二十事皆當世急務唐太宗問何何對臣客馬周具草上召周數輩督促入見拜監察御史使奉使稱旨上賞何知人賜飛帛書曰鸞鳳冲霄必假羽翼股肱之寄要在忠力周遣圖構佳宅吏曰家宅直二百萬周奏上詔給直并賜上方奴婢什物十八年遷中書令年四十八卒贊曰馬周遇太宗一介草茅言天下事素官于朝視築巖釣渭相遇何異不膠

東武劉燕庭氏校鈔

漆而固恨見之晚唐

馬懷素以盧懷慎薦自太常卿除散騎常侍開元年秘書監奏選學士整補省中散亂訛缺書籍搜求逸書選吏抄寫上命尹知章韋述褚無量乾元殿前編校群書

馬載裴行儉吏部開元年盧從愿李朝隱吏部稱職時曰前馬裴後盧李

馬惲幼從諸兄學歎曰大丈夫四海存心豈可終老一儒哉學兵書戰策大曆年河東節度使平李懷光拜侍中賜宸宸台街二銘勒石起義堂同李晟圖繪凌煙閣拜司徒封北平莊武王卒年七十二子暢少傅翠栢碧梧鸞鵠停峙能守其業幼子娟

好靜秀瑤環瑜珥蘭茁其芽稱其家兒韓文世三卷燧宅在安

邑泓師曰長安永寧坊東南金盞地安邑西里是玉杯極地永

寧王鏐宅安邑馬宅王以賜袁弘史憲誠金盞破而完馬宅為

奉誠園玉杯不復完也唐

馬璘岐州人少孤年二十讀馬援傳曰吾祖勲業可墜地乎至德
年領精兵赴鳳起翔受命以百騎破賊五千李光弼曰用兵三
十年未見雄捷如馬將軍者代宗幸陝璘自河西轉戰鳳翔吐
蕃圍璘眾持滿向外哭入城又背城出戰身先士卒吐蕃曰此
將軍不惜死大曆年右僕射扶風郡主涇原節度使病重以後
事託行軍司馬段秀實璘卒軍中奔哭數千里秀實命押牙馬

東武劉燕庭氏校鈔

頌治喪李漢惠接賓妻妾子孫位於堂宗族位於庭將佐位
於前牙士卒哭于營伍百姓各守家凡離立耦語衢路者執而
囚中非護喪從行不許遠致祭拜哭有儀節送之遠近有定所
違者依軍令

馬植元和年令狐相公鎮三峯秋試加五塲士皆不試唯盧弘正
一人獨步華元觀及試馬植至試登山采珠賦曰文豹且異驪
龍探斯疏矣白石又殊老蚌剖曷得之遂弘正解及盧判益務
植又先之弘正曰昔日華元已遭毒手今茲醜務又中老拳植
官嶺南月泊峽中見白衣隄上吟曰截竹為筒作笛吹鳳凰
池上鳳凰飛願君更向黔南去即是鈞陶萬彙時自黔南入拜

嘉蔭後

相唐

馬摠以裴度奏為淮西宣尉節度使安南都護建二銅柱於漢地界以表伏波將軍裔著唐功德

馬懿石晉丞相中書寡言不決事不對客時曰三不開印口門也
馬直唐神策軍唐僖宗命宮中製袍千領賜邊士馬直袍中得金鎖詩一首玉燭製袍夜金刀呵手裁鎖情寄千里鎖心中未開直白于主將并詩奏上召直赴關賜寄詩宮人授神策將軍

馬郁館伴韓定辭郁賦詩曰燧林茅草綿思遠盡日相携陟麗樵別後巖嵒山上望羨君時復見王喬定辭荅曰崇霞臺上神仙客學辨癡龍藝最多察德好將銀管述麗詞可付雪兒歌

東武劉燕庭氏校鈔

馬知節字子元幽薊人全義宋開基立戰功卒知節方七歲上曰真孤兒召入內送國子學胄子青衿間賜名知節年十八監彭城兵馬司平李順年三十拜太尉樞密知秦州遣還羗人質子諸羗感德知成都延州鎮州真宗封泰山知節行營都總管知貝州卒年六十五

馬亮字叔明茂陵人進士祖韜徙廬州合肥咸平年命京西河東放積欠奏免數百萬入拜御史中丞奏天下凡有祖父未葬不許析居以厚風俗卒謚忠肅公

馬默字處厚丹州武城人進士臨濮尉治平年監察御史知登州奏活沙門島罪人神宗詔可初默無子一夕夢天使東嶽來奉

上帝命賜默一男一女乘雲而下按沙門舊制罪人有定數溢其數則投之海默奏更配島法凡二十條遇溢數則徙登州放還全活者眾後蘇軾知登州父老迎曰公愛人如馬使君

馬正卿字夢得太學正清苦尚氣節蘇軾書杜甫秋雨歎於太學壁正卿即歸白首窮餓馬與蘓同年同月生少軾八日是年生無富貴人軾謫黃州正卿請營地躬耕讓於軾軾因號東坡作詩曰刮毛龜背上何時得成甑

馬自然得道者飲酒不醉或人有疾以凡草木與服之立愈吟曰昔日曾隨魏伯陽經時醉卧紫金床東君道我多情懶謫向人間作酒狂唐廣明年登州上昇本事集詩二首一曰省悟前非

東武劉燕庭氏校鈔

一息間便拋人世出世寰從誇美酒如瓊液不戀嬌娥似玉顏含笑謾令心思苦別離空使鬢毛班雲中幸有堪歸處到處青山是我山二曰不用燒丹學駐顏闌非城市靜非山時人若問長生訣對鏡無心是大還神仙傳

馬廷鸞字翔夫饒州人進士淳祐丁未魁南省咸淳拜相

夏會稽 姓纂夏后氏裔 春秋傳陳宣公孫御叔夏氏其妻

夏姬鄭穆公女 夏黃公南山四 夏育衛人與子路俱以勇聞又一夏育漢靈帝時校尉

夏賀字良年漢有再受命之符

夏統字仲御會稽人至孝母病詣洛市藥時上巳車蓋雲集太尉

賈充問會稽風土對曰有大禹遺風有泰伯義讓嚴遵抗志黃公高節問能曲乎對曰先公居會稽百姓作慕歌孝女曹娥死國人哀其孝作河女章伍員死吳人痛其忠烈作小海唱統以足扣舷歌聲清越大風起應含水噴天雲雨響集充曰聽慕歌見大禹德容聽河女章見伯姬高行聽小海唱子胥屈平立吾左右矣晉本傳

夏恭字敬公學韓詩授學徒光武拜泰山都尉還定安集得人心夏馥字子治為書生同邑高氏蔡氏二家俱不與交黨魁張儉亡命馥曰一人亡命禍及萬家何以生為遂剪髮剃鬚入林密山深中匿姓名為治家蘇軾親執薪炭形容毀悴其弟靜遇於涇陽

東武劉燕庭氏校鈔

市不識也聞語音蘇軾和子由詩猶勝相逢不相識形容憔悴語音存

夏施晉都尉時陶侃課種柳武昌門外施盜官柳植門前侃見之駐馬曰武昌官柳也何因植此施懼焉

夏疎字子喬江州人進士父皓景德年沒於王事官疎丹陽主簿上書應制科曰先臣捐軀行陣朝廷哀臣孤任之州縣若以枕石漱流為達則臣居市井若以金榜丹桂為才則臣未恭科第若以鳩杖台背為德則臣年方弱冠若以荷戈控弦為勇則臣生不繇歷若令臣待詔公車條問急務對揚紫宸或可漢唐諸臣方轡並駕真宗召試六論耀制科對策供奉官曰賢良必大

貴乞詩疎題曰殿上袞衣明日月硯中旂影動龍蛇縱橫禮樂
三千宇獨對丹墀日未斜年三十知制誥景德年翰林上按舞
拱宸殿進喜遷鶯令夕霞散綺月如鉤簾捲未央樓夜涼銀漢
截天流宮闕鎖新秋瓊階曙金莖露鳳隨香盤煙霧三千珠翠
擁宸遊水殿按涼州上悅鎮襄陽玉清昭應宮賜宴優人載擲
撮戲丁謂令疎咏曰舞拂跳珠及吐丸遮藏便巧百千般主公
端坐無由見却被傍人冷眼看謂大慙卒封英國公謚文莊
子安期官龍圖閣學士

賈 洛陽 姓纂周大夫賈伯 周康王封唐叔虞少子公明於
賈 急就篇賈本姬嬭之國春秋時為晉所滅 賈陀晉太師

東武劉燕庭氏校鈔

賈季狐偃之子即狐姑文公六年奔狄

賈辛初大夫魏獻子曰辛來昔叔向適鄭駸蔑惡欲觀叔向從使
之收器者立於堂下一言善叔向曰必驥明也下執其手以生
上曰賈大夫惡娶妻美三年不言不笑御以如臯射雉獲之其
妻始笑而言賈大夫曰才之不可以已子若無言吾幾失子矣
遂如故知今子有力王室吾是以舉女行乎敬之哉毋墮乃力
仲尼聞其命賈辛也以為忠 昭公二十八年

賈山涉獵書記不能為醇儒上書借秦為喻名至言

賈誼年十八河南守吳公昭召置門下文帝召博士起遷歲中至
大中大夫縫灌毀之出常沙王太傅梁王太傅上書可痛哭者

一流涕者二長太息者六書奏召見宣室夜半上前席問鬼神
梁王墮馬死誼歲餘亦卒年三十三班固贊曰通達國體伊管
不能遠過追觀孝文玄默躬行移風易俗誼之所陳畧施行矣
位至公卿未為不遇

賈嘉誼之孫好學世其家昭帝用列九卿

賈捐之字君房誼曾孫上書待詔金馬門與長安令楊興字君蘭
相友善興曰君房下筆言語妙天下捐之薦興有曾子之孝顏
閔之德行石顯譖下捐之獄坐棄市

賈復字君大師舞陰李生學通尚書雲臺功臣惟鄧禹李通賈復
三人叅議大政諸將將功復未嘗一言上曰賈君之功我自知

東武劉燕庭氏校鈔

之左將軍封膠東侯

賈彪字偉節兄弟三人時曰賈氏三虎偉節最怒拜新息長初民
不養子彪嚴禁令時城南盜劫人城北婦殺子彪曰盜常事母
子相殘逆天道命驅車北行致其罪自是新息叔養子曰賈父
所生名曰賈永康年西入洛說竇武上書解黨錮

賈琮字孟堅交趾刺史富饒多珍刺史貪吏民怨叛琮斬盜渠帥
蠲徭役選良吏民歌曰賈父來晚使我先反今見清平吏不敢
飯遷冀州舊制刺史驂駕垂帷裳迎州界琮升車曰刺史當遠
視廣聽察善觀惡何可以惟裳自掩蔽乎遂命褰之於是聞者
莫不震懼賈望風皆解印而去

漢

賈詡字文和魏文帝擢太尉問取吳蜀對曰攻取先兵權建本尚德化詡自以為非魏臣而謀策深長恐曹操見疑於是閉門自守男女嫁娶不求高門天下言智計者歸之詡以病去官至西汧遇羗執之詡曰我段公外甥羗不敢害段穎太尉素有威名詡託言以恐羗實非其甥也 魏本傳

賈逵字景伯五歲其姊抱往籬下聽隣家讀書年十歲暗誦六經父徽字元伯師劉歆徽作春條秋條例逵傳文業作左傳訓詁杜預曰賈景伯父子先儒之美也時逵通經教授粟盈倉人謂景伯非力耕乃舌耕授豫州刺史魏文真刺史也布告天下以豫州為法賜關內侯 漢書師曰問事不休賈長頭逵身長八尺二

東武劉燕庭氏校鈔

寸子充

賈充字公問始生父曰必有充庭間之慶因名曰充號曰公問荀顛荀勗馮紕等為黨友晉文帝納其女為太子仇妻充司空侍中子謚乃外孫韓謚充養為己子 晉

賈彞字彥倫父係獄彞十歲詣長安訴出其父時曰是子英英賈誼之後莫之與京魏孝武拜尚書左丞

賈思伯字士林弟思同從師北陰鳳業成無貲酬鳳而質其衣思伯官中書侍郎思同明議學者善之時曰陰生讀書求免癡不識雙鳳質其衣

賈顯度中山人魏孝武拜左僕射雍州刺史

賈希鏡家傳家譜九十八州士族諸精究如貫珠

賈堅善射年六十慕容恪置牛百步外試堅曰少師能中否曰今老矣或中之射一箭拂脊脊一箭摩腹傳皮落毛而牛不傷衆咸服

賈恩喪母隣家失火恩與妻桓氏救免母柩其夫妻俱燒死詔表所居曰孝義里

賈循京兆人父會有高節時稱賈氏一龍稱循關中曾子親喪自負土成墳廬墓循卒謚廣孝徵君

賈直言貶官嶺南其妻少命改嫁妻束髮封帛令賈直言書待君自解四字謫十年歸還髮之四字如初解則髮脫無遺唐穆宗

東武劉燕庭氏校鈔

召拜諫議大夫

賈玄善棊唐太宗命進棊勢諫官言玄惑主上心上曰聊以避六宮之惑耳

賈曾河南人父言忠高宗授監察御史玄宗擢東宮舍人蘇晉同知制誥曾禮部侍郎

賈至字幼隣明皇幸蜀至知制誥撰傳位冊命上曰先天冊命汝父曾撰兩朝盛典出卿一家杜甫王維岑參有和賈至早朝大時明宮詩見唐集

賈耽字敦詩明經進士遷汾州刺史山南節度使右僕射德宗命耽盧邁同平章耽力學博物嗜書益勤後順宗用王叔文耽稱

疾不起

賈島字浪仙范陽浮屠無本師客東都時洛陽令禁僧午後不許
出行島作詩曰不如牛與羊猶得日暮歸韓愈令還俗學詩文
舉進士苦吟僧敲月下門句初用推字又用敲字以手作推敲
勢京兆前驅執之京兆尹問而釋之互見周賀

附韓愈傳

賈敦顏弟敦實俱刺史敦顏入朝敝車羸馬洛中立碑於路傍敦
實入朝洛人又立碑其傍時曰賈刺史棠棣碑

賈餗字子美河南人舉賢良方正歷禮部侍郎正知貢舉得名士
七十三人為名卿宰相

賈黃中字文元唐丞相四世孫七歲舉神童李詩曰七歲神

東武劉燕庭氏校鈔

童古所難賈家門衣冠十人科第排頭上五部經書送舌
端見榜不知名定貴登筵未識管弦歡從今穩步青雲路萬里
誰能測羽翰江南平知宣州宋太宗擢昇州入知制誥翰林淳
化年給事中叅大政上召黃中母王氏賜坐曰今孟母也黃中
紹家學習臺閣故典禮儀資其損益一世名士多出其門

宋朝

賈昌朝字子明祖緯史官給事中昌朝天禧年召試晉陵主簿崇
正殿說書孫奭判國子監一見奭以唐路隋帝處厚本傳示之
曰知此意否公異日必以儒術位宰相世謂奭知人天章閣待
制崇正殿說書自昌朝始王安國經筵講卦謹言語節飲食仁
宗問對曰君子出口言皆謹入口食皆節王者命令晏樂尤宜

謹節上命昌朝紀錄以進名邇英延議二閣記注英宗授昌朝鳳翔節度使拜左僕射封魏國公謚文元公子炎徽宗除工部侍郎

賈黯字直儒狀元及第范文正公語以不欺二字可終身行之黯拜授曰不敢忘嘉祐除御史中丞御史呂誨以黨論辭職黯奏曰御史人主耳目一時公言呂誨乃臣所薦知其方正今必能協濟詔誨就職黯曰吾平生於范公不欺二字受用不盡除侍讀知陳州卒

賈昌以鬪雞幸於唐時明皇時曰鬥雞走狗勝讀書 杜詩注
假 陳留 假倉漢尚

東武劉燕庭氏校鈔

冶 冶廛衛大夫

養 山陽 養奮 孝子傳

養由基楚大夫善射楚共王獵見白猿避矢命養由基調弓矢未發白猿抱木而號

養彭舒梁人

壤 壤駟赤字子徒秦人贈北微伯封上邽侯贊曰式是壤伯昭乎聖徒執經請益載道若無詩書規矩學問模楷模得時而駕領袖諸儒

蔣 汝南 樂安 周公第三子伯齡封蔣國在汝南期思縣傳曰凡蔣邢茅胙祭至宋改樂安

蔣詡字元卿兗州刺史廉直有名漢王莽篡位詡病免歸杜陵三輔決錄詡居舍竹下開三逕惟故人羊仲求仲從之遊稽康高士傳羊仲求仲挫廉逃名業治軍

蔣子文漢末金陵尉討賊死金山吳孫權立廟改鐘山曰蔣山宋劉裕除淫祀除之

蔣幹字子翼曹操遣幹葛巾布衣說周瑜周瑜曰子翼良苦遠涉江湖為人作說客即吾雖非夔曠然聞絃賞音即知邪曲也

蔣琬字公琰蜀廣都長先主見琬沉醉不理事欲罪之孔明日琬社稷之臣非百里之才也政以安民為本不以修飾為先及孔明舉疾琬以自代琬斌嗣綏武將軍

東武劉燕庭氏校鈔

蔣濟字子通資兼文武節慷慨魏中郎將魏文帝詔曰天下未寧須良臣出鎮邊境如無事乃還鳴玉召拜尚書魏志

蔣恭南史孝義傳

蔣欽字公奕九江人徐盛有嫌於欽而欽每稱其善人問其故欽曰豈敢以私恨而蔽賢乎

蔣少游機巧善書為將作大匠都水使者北史

蔣欽緒唐華州刺史立朝有敢言之節乃蕭至忠妹夫至忠附太平公主為刑部尚書欽緒諫曰以子之才何憂不達勿以非分妄求至忠不應欽緒曰九世卿族一舉滅之哀哉至忠坐誅反誅欽緒四子演溶沈清

蔣沈舉孝廉授洛陽尉歷縣令郭子儀兵過其縣戒曰蔣沈賢令也諸軍勿撓其清沈擢大理卿兄演溶弟清俱才名良吏

唐史

蔣乂字德源常州人七歲讀庾信哀江南賦再成誦外祖吳兢史官乂幼從之學博該群書有史才楊綰稱之父明在集賢院值兵興圖籍散舛白宰相引乂入院助力張鎰署乂集賢校理貞元年史館修撰德宗召拜起居舍人上前口誦所補侍臣圖贊上曰虞世南不能過據條奏神策軍本末高郢曰集賢有人哉詔判集賢院父子學士衣冠儒林盛事史館二十年宰相咨大政奏裴延齡罪拒王叔文彈張拔宗母喪起復尚公至乂曰昏喪人之大倫委巷孤女或借吉從人未聞男借吉娶妻者古

東武劉燕庭氏校鈔

有墨哀從軍未聞附起復尚者子係仲偕

蔣係善屬文得父典寶太和年昭應尉直史館右拾遺

蔣仲字大直宣宗年兵部侍郎

蔣偕史館修撰三世國史時稱蔣氏良史筆

蔣儼使高麗為莫支离所執不屈節還拜蒲州刺史稱良二千石

蔣氏永州捕蛇者

柳子厚集

蔣堂字希魯常州宜興人進士楚州推官知臨川縣通判知泗州監察御史禁中失火有司究火所起引官人屬吏堂奏上宜責躬修德應天仁宗赦焉知越州有鑑湖豪右侵漁捐水利堂奏灌民田知蘇州三司鹽鉄使夔路安撫文章閣待制知洪州景

嘉蔭錄

祐年淮南運使薦屬吏二百人曰拔十得二三亦足以報國知
應天府知杭州府卒初六歲時有吟梔子詩曰庭前梔子樹四
畔發牙槎未結黃金子先開白玉花 宋朝

蔣之奇字穎叔宜興人進士嘉祐年章衡榜登科蘇軾同登在瓊
林宴坐約卜居陽美軾詩曰瓊林花草聞前語罨畫溪山指後
期之奇監察御史英宗殿中侍御史福建淮南運使歲飢教民
興水利以食流民灌溉田九千餘頃揚州天長三十六陂宿州
臨漢橫斜三溝其大者歷江西河北陝西運使陝州經賦公私
足用庫餘錢八士餘萬緡粟支三年江淮荆浙諸路運使元豐
年運六百二十萬石 至京師奏開泗州古渠以避長淮之險

東武劉燕庭氏校鈔

自是舟無覆者哲字龍圖天章閣待制知潭州徽宗召翰林
樞密崇寧年觀文殿學士知杭州卒歷部使者十二任六典會
府所至皆有治績子璿徽猷閣待制生五孫 興祖忠義著名
祖之子芾

蔣芾登科乾道年拜相

蔣凝稱朝中玉笋

蔣貽恭見朝臣尚權勢作金剛詩曰揚眉怒目惡精神捏合將來
恰似真剛被時人借權勢不知身只是泥人

賞 何氏姓苑吳中八姓

賞慶晉人

黨 馮翊

黨耐虎姚弋仲將

黨法宗北魏將

黨進宋太尉互見陶穀

疆 疆華自關中奉赤伏符詣光武

疆循字季元鳳州人司士參軍華原無泉人畜唱死循教人渠水

溉田一方利之名疆公渠

疆京洛陽人

疆永

疆帛符秦錄

疆超姚秦

疆斌封西陽侯

疆練北齊

疆

字可季汪藻

墓曰錢塘疆至以文學顯生五子浚明

東武劉燕庭氏校鈔

淵明偉明涉明獻明弟復以文學相踵躡登進士第 浚明

尚書郎奉使吳中 淵明翰林承旨謚文獻公 偉明涉明俱

有名蹟 猷明戶部架閣文字 浚明子行甫世其家學 宋朝

放 唐有放齊堯臣見虞書堯典

廣 風俗通廣成子住崆峒山千二百年 神仙傳

掌 魯大夫後

掌同晉瑯琊人

掌據燉煌人前涼封遂興侯

掌禹錫宋秘閣

仇 仇膺上掌下堵五阮人梁昭明太子曰仇出太一符仇 史記

五阮即雁門梁四公子仇啓其一也

蕩 宋桓公子蕩生公孫壽壽生蕩意諸以王父字為氏

蕩疑春秋宋大夫古今人表

猛獲春秋宋大夫

邴 平陽 晉大夫邴豫食采於邴 漢功臣表高宛侯丙倩傳

封八世去邑從丙

丙吉字少卿治律令為獄吏遷廷尉漢武帝治巫蠱獄一皇曾孫也病已在獄中望氣者言長安獄中有天子氣上遣使者殺係囚夜邴郡獄郭種劾奏丙吉曰他人無辜死且不可況上親曾孫乎上乃赦天下丙賴吉得不死是為宣帝賜吉爵關中侯

東武劉燕庭氏校鈔

封專陽侯代魏相為相繪圖麒麟吉在相位掾吏有罪

曰三公府下按吏醉吐車上西曹主吏白斥之吉曰以醉飽之失去士使人何所不容不過汚丞相車茵耳勿去也此馭吏習邊事出見驛吏馳赤白囊來知匈奴入雲中代郡歸白吉恐邊郡二千石有不任兵者召東曹按邊長吏科瑣條其人詔丞相御史問邊郡吏吉具對上謂吉憂邊思職馭吏力也贊曰孝宣中興吉丙吉有聲

丙漢瑯琊人京兆尹大中大夫及王莽秉政漢與兩龔俱告老漢兄子曼容養志自脩仕過六百石自免去見兩龔傳

丙原字根矩北海人曹操言原清靜足以厲俗貞固足以幹事龍

翰鳳翼國之重寶為五官將長史閉門自守原少游學詣安邱
孫嵩孫曰君鄉里鄭君學學覽古今捨之目前求之千里以鄭
為東家丘也原曰人各有志或登山采玉或入海求珠君以鄭
為東家丘必以僕為西家愚夫耶嵩謝焉原游學八九年而歸
師友以其不飲酒皆以米肉送之原曰本能飲以荒思廢業而
斷今當遠別還可一飲終日不醉

秉 秉寬漢人

景 晉陽 馮翊 芊姓楚公族昭 屈景漢徙山東豪族關中

華陽諸景是也

景差宋玉楚大夫見風

景夙漢人

景武劉燕庭氏校鈔

景鸞字漢伯通施氏景詩作易說詩解著述五十餘萬言漢儒林傳

景丹字孫卿漢光武雲臺功臣驃騎將軍封襍陽侯東漢

耿 河東 扶風 高陽 晉趙夙滅耿封于耿以國氏

耿壽昌司農丞五鳳年奏糴三輔弘農河東上黨太原穀給京師
可省關漕卒上從之令郡邑邊郡皆築倉穀賤增價糴穀貴減
價糴名之曰常平倉賜爵關內侯

耿弇字伯昭扶風茂陵人父況上谷太守初賈復見弇曰子非久
留白屋者士風雲會合當平步天衢拜護軍校尉發兵定邯鄲
光武曰小兒曹亦有大志是我北道主人也弇請北收上谷兵
定彭寵漁陽取張豐於涿郡還收富平獲索東攻張步以平齊

地及破張步上曰韓信破歷下以開基今將軍攻祝阿以發迹
皆齊西界功足相當前南陽建此大業以為落落難合乃知有
志事竟成也弇平郡四十六屠城三百建成將軍封好時侯雲
臺功臣次賈復在上行弟國字叔慮中郎將國子秉

耿秉字伯初腰帶八圍通書記有將畧拜度遼將軍明帝時竇固
秉分道北伐匈奴奏置戍已校尉耿恭戍校尉關寵已校尉

耿純字伯山雲臺功臣東郡太守封東光侯

耿恭字伯宗守蘇勒城匈奴絕其汲道恭鑿井十五丈無水恭曰
昔李貳將軍拔刀刺山飛泉湧出井曰漢德神明水泉揚水示
匈奴被圍踰年章帝初年段彭迎恭歸漢發疏勒吏士二十

東武劉應庭氏校鈔

六人至玉門關惟存三人鄭衆奏恭單兵失守孤城鑿山成
井煮弩為糧全節歸漢宜顯賞以勵將帥拜騎都尉

耿夔字定公秉弟將八百騎出居延塞斬關支王出塞五千里

耿緯唐詩人大曆十才子之一官至右拾遺附唐盧綸傳

幸雁門

幸靈晉藝術傳

幸南容柳子厚序渤海幸君登大常之籍膺邯鄲之召北會元戎

直道自達 柳文二十二卷

省春秋宋省臧

井扶風 姓苑姜子牙裔 春秋虞大夫井伯

井淵宋尚書郎

井宗漢司徒掾

井丹字大春通五經京師曰五經紛綸井大春陰就以麥飯葱菜食之丹推去

穎 陳留

穎考叔為穎谷封人 春秋傳

穎容字子顏通春秋舉孝廉著春秋左氏條例五萬餘言 東漢儒林傳

靖 中山 風俗通單靖公裔一云田靖郭君裔

靖德玄隋隋人

靖君亮唐陳留

新編古今姓氏通彙 集卷第二

終

東武劉燕庭氏校

新編古今姓氏通彙 集卷第三

臨川布衣洪景修進可編

有 東魯

有若字子有魯人贈辨伯封平陰侯贊曰人稟秀德氣貌或同而子儼然温温其容兩端發問未荅機鋒以禮節和斯言可宗

酉 黃帝二十五子得姓十四之一吳太常千姓蒙求注

酉 牧陳留人 魏志

九 何氏姓苑岱縣人姓九名百里為縣吏時適有萬氏為功曹

時曰九百縣吏萬功曹

九 方臯一名甄秦穆公時人善相馬

嘉蔭錄

白 春秋有白季

咎 商書咎單 春秋咎犯即舅犯晉文公舅

壽 博陵 吳壽夢裔

壽越吳大夫

壽良漢兗州牧

壽淑之宋人

繡 漢游俠傳有繡君賓

柳 河東 姬姓魯孝公子伯夷展孫無駭生禽字季食采柳下

以邑氏楚并魯柳氏徙河東解縣 唐宰相三奭璨渾

柳莊衛獻公社稷臣 禮檀弓下

柳若子思母死於衛若曰子聖人之後也四方於子乎觀禮子蓋

慎諸 禮檀弓上

東武劉燕庭氏校鈔

柳安秦末居河東解縣

柳元景字孝仁兄弟五人太守曰柳氏門庭五馬逶迤柳氏亭邊

差池五馬宋文帝北伐選將擢柳元景建威將軍大捷破魏兵

威信著境外拜尚書令從子世隆

柳世隆字彥緒宋孝武拜武威將軍上庸太守拜左僕射少立功

名晚專談義善彈琴世稱士品第一張緒問曰有以清名遺子

孫乎世隆答曰一身之外亦復何須子孫不才將為爭府如其

才也不如一絰惟盛事墳典子愔

柳愔字文通兄悅齊名王儉曰柳氏二龍一日千里梁武帝賜詩

曰爾實冠群后惟予當念功愔自詹事遷拜左僕射弟暉

柳惲字文暢謝淪曰宅南柳即可為儀表工篇什有令名梁秘書監吳興太守子偃

柳偃字彥博年十二梁武帝問讀何書對曰讀尚書帝又問何句最善對曰德惟善政政在養民

柳愷字文深好玄學通易老拜蜀郡太守弟忱字文若梁給事中柳慶遠字文和拜雍州刺史梁武帝餞于新亭曰卿衣錦還鄉我無西顧憂拜侍中子津

柳津字仲禮有膽氣勇力拜司州刺史梁武帝思之命圖其像柳叔夜年十六拜新野太守

柳楷字士則涉文史工書父崇舉秀才

史武劉燕庭氏校鈔

柳蚪字仲盤通五經子蚪耕於陽城北周秘書丞著作敝衣蔬食弟檜

柳檜字季華從周文帝戰河橋有功拜鄆州都督吐谷渾不敢叛柳慶字更興周文帝左僕射子機字匡時隋初納言弟弘字匡道北周俸使聘陳專對敏捷弘弟旦字匡德龍川太守設學崇儒旦弟肅字匡仁東宮洗馬詔接宴陳國使時稱華辨

柳謩之字公正明經擢第歷兵部侍郎

柳敏字伯澤北周郢州刺史禮部尚書久臺閣練典故子昂字千里周內史昂子調侍御史

柳遐字子昇梁尚書入周霍州刺史謝舉曰江漢英靈子靖字思

休周河南太守

柳莊字思敬博通坟典蔡大寶曰襄陽水鏡復見於此

柳述字叢子隋吏部尚書尚蘭陵公主互見偉雲起隋

柳裴字茂和許州刺史

柳誓字顧言讀書萬卷情康宮學士顧問應對如響

柳或字幼文隋侍御史立朝正色僚友莫不敬憚文帝曰正直之士國之寶龜持節河北奏免長吏贓污二百人

柳儉字道約隋蓬州刺史弘化太守入朝郡國畢集上問吏部尚書牛弘曰其中清名天下第一者誰弘以儉對上賜帛隋循吏

柳範唐貞觀侍御史彈王恪獵太宗曰何廷折我對曰主聖臣直

東武劉燕庭氏校鈔

柳澤蒲州人景雲年上府鎧曹參軍數上書言事睿宗嘉之拜

鄭州刺史

柳芳字仲敷開元進士肅宗詔芳韋述輯吳兢所次國史自高祖迄乾元年凡一百三十篇芳子登字伯成孫晃字敬叔世史官父子集賢院太常德宗問郊祀典禮晃據禮經以對

柳渾字夷曠初有巫者相渾曰子天且貧賤惟入浮屠可緩死渾曰去聖人入異端不如死自力學登科棄官隱武寧山召拜監察御史真貞元宰相張延賞疾直言謂謹言位可久對曰渾頭可斷舌不可禁詔渾延賞並相議不合交惡渾尚和政公主祿山亂主奪渾馬載寧國公主而主與渾徒步日行百里

柳宗元字子厚擢詞科貞元監察御史貶永州司馬柳州刺史娶禮部侍郎楊凝之女子厚與許孟容書先墓在城南芻牧不禁懼毀松柏家有賜書三千卷在善和里舊宅冷三易主書存亡不可知子厚以文藁託劉禹錫序韓柳並行

柳公綽字孝寬初生其伯父子華曰與吾門者此子也性孝友不讀非聖書舉直言極諫授渭南尉憲宗改奏太醫歲以諷元和年給事京兆尹神策軍將犯前導杖殺之上責其不奏對曰臣職當杖不當奏自尚書左丞山南節度使過鄧縣吏有納賄舞文之人縣令以公綽素持法必誅貪吏公判曰賊吏犯法法在姦吏壞法法亡斬無者

東武劉燕庭氏校鈔

柳公權年十二登科穆宗問筆法對曰心正則筆正文宗召聯句人皆苦炎熱我愛夏日長對曰薰風自南來殿閣生微涼時墓志銘非公權筆人以為不孝外國貢使則署珍寶構柳書公卿貺鉅萬貯銀盃盃一篋主吏盜之絨滕如故曰銀盃羽化評端硯赤白黃色點曰鸚鵡眼石脉黃色曰金線文蘇易簡曰自然圓石青紫色者可千金東軒筆錄曰石有三有巖山西坑後磨石後磨三當西坑一西坑三當巖山一子公度

柳公度善攝生年八十曰吾無他術惟不以氣海暖冷物不以脾胃熱生物不以元氣佐喜怒

柳仲郢字諭蒙公綽子好學其母和熊胆以助其勤長能文撰尚

書二十四司箴韓愈咨賞佐牛僧孺府武昌除吏詔汰冗官仲
郢條奏減冗官千二百五十員拜京兆尹宣宗除河南尹曰輦
轂下宜先彈壓郡邑治本先惠養天平節度拜諫議大夫每遷
官有鳥集昇平第庭樹戟架皆滿日久乃散父子立九鎮五京
兆在河南不奏祥瑞不度浮屠繩奸貪濟卑弱早僚貸乏蠲逋
凡衣冠孤遺廩給婚嫁在朝非慶弔不至宰相第家書萬卷所
藏三本子玘

柳玘明經書判拔萃秘書正字遷御史大夫嶺南節度使清真有
父風述家訓戒子孫曰門第高者一事墜先訓則異他人人生可
苟爵祿死不可見祖門高則驕易生族盛則人多嫉實懿行

東武劉燕庭氏校鈔

人未必信纖瑕微累手筆指修己必至務學必堅士君子生
世已無善望他人愛已無能望他人用猶農夫鹵莽耕種怨天
澤之不潤欲無餒得乎先僕射言立己以孝悌為基恭默為本
畏怯為務勤儉為法肥家以忍順保家以簡恭廣記如不及求
名如倘來涖官潔己省事可言家法家法備然後可養人直不
近禍廉不沽名憂與禍

董生曰弔者在門賀者在門

弔在問言殷憂恐懼則福至驕奢則禍至世族短長命位豐約
不待龜卜星數惟在處心行事名門右族由祖宗忠孝勤儉以
成立由子孫不肖以覆墜成立難如登天覆墜易如燎毛予家
本以學識禮法稱士林德行文學為根株正直剛毅為枝葉有

根無葉尚可俟時日有葉無根膏雨不能活至若孝悌慈愛友
恭忠信德行乃食之醢醬尤不可一日無者

唐本傳

柳伉唐太常博士代宗幸陝伉奏乞斬程元振以神策軍付大臣
引咎責躬以感動人

柳璨唐昭宗時登科四年拜相博學稱柳篋公卿箋奏多出其筆
柳冕答孟判官論宇文生評史官書仲尼聞門人得其門者然後
見宗廟之美升其堂者然後聞雅頌之聲入其室者然後知道
德之奧不登高山不知天之大小不臨深淵不知地之厚不遊聖
人之門不知道德之富言大道者不可以小說應黃鐘者不可
以末音師聖人者不以無法

東武劉燕庭氏校鈔

柳冲蒲州人唐太宗命儒撰氏族志群族門胄興替不常冲請
解改修至先年書成號姓氏系錄柳芳論著甚詳

柳弁字伯存受學蕭穎士

唐

柳開字仲塗大名府人父承翰監察御史開性豪勇父南縣令盜
入室開拔劍逐盜斷其足時年十三歲明經進士從征河東知
常州潤州拜監察御史知貝州代州忻州著書東郊野夫補亡
先生二傳開少年於酒肆見一書生言貧無以葬父母將謁魏
郡守王祐開遂探囊中白金百兩予之知潤州見錢供奉家美
人像乃錢女弟強委禽錢氏供奉請訴之朝仁宗曰仲塗佳婿
也上為媒遂成婚

宋朝

柳三變字景莊一名永字耆卿或薦其才上曰填詞柳三變乃自稱奉旨填詞有才無德可為士林大戒

柳閱字展儒蘇軾外甥黃魯直以桃李不言下自成蹊八韻詩送之黃集

新編古今姓氏通譜卷第三

東武劉燕庭氏校鈔

終

新編古今姓氏通譜卷第四

紐 吳興

紐因有孝行父母喪自負土成墳周武帝詔旌表門閭授甘棠令隋開皇初卒子士雄少質直孝友父喪復廬於墓側負土成墳其庭前有一槐樹先甚鬱茂及士雄居喪樹遂枯死服除還宅隋文帝聞之歎其父子至孝詔褒揚號其所居為累德里北史孝行傳

紐 淄東晉吳興人何氏姓苑

邱 后風俗通后稷周之先祖后昭伯食采邱古今人表后處字子里齊人贈營邱伯封膠東侯贊曰溫溫子里入關至聖

擊道之華秉德之柄深造闡域不乖言行全齊之封竹素為盛

后倉漢少府

後 東海 開封有後姓

後贊飛龍院使五代史

耦 風俗通

耦華宋卿

耦佳漢侍中

糗 風俗通

糗宗漢羸長

苟 河內姓慕國語黃帝

東武劉燕庭氏校鈔

苟變衛人子思言其才將五百乘衛侯曰知其才然若為吏嘗

食人二雞子故不用子思曰聖人用才如匠用木取所長棄所

短杞梓連抱有數寸朽良工不棄今居戰國選爪牙以二卵棄

干城之將不可使聞於隣國也 通鑑

苟諫漢鮑永椎牛上苟諫塚

苟晞字道將晉冀州刺史有從母來依晞奉養甚厚從母為子求

將晞令督護及犯法斬之從母叩頭請免不許而哭葬曰殺卿

者冀州刺史哭弟者苟道將遷青州日所殺千人

苟純拜青州刺史百姓曰小苟酷於大苟俱石勒殺之

苟池符秦將破桓温兵譙郡

沈 吳興 汝南 周文王第十子聃季食采沈汝南平輿沈亭
至沈子逞奔楚 漢復姓沈猶氏 唐宰相一君諒武后朝

沈嘉二子尹丙尹戍楚司馬生諸梁字子高食采葉為葉公二子
尹射尹文隱華山二子尹朱尹赤 諸梁朝受命夕飲水冰

沈遵字伯吾漢齊王傳封敷德侯徙九江壽春漢王莽亂徙桐柏
山徙會稽烏程為永安晉改武康

沈劭父以逆誅劭思雪父恥年三十以刑餘不可入立司州王胡
之薦劭才請解禁錮以劭叅府事燕攻洛陽劭上表效用詔補
官軍長史守洛陽死節司馬光曰幹父之蠱用譽蔡仲之命曰
爾尚蓋前人之愆惟心惟孝是之謂乎 晉哀記

東武劉燕庭氏校鈔

沈慶之字弘先年四十里輕之及位三公前所輕之者皆膝行
以進慶之曰吾猶前日沈公也文帝北伐慶之曰治國如治家
耕當問奴織當問婢今伐國與白面書生謀事何由濟拜建威
將軍患頭風着狐皮帽敵畏呼為蒼頭公元祐年太子劭令殺
武陵王駿慶之以劭書示王曰臣受恩先帝今日惟力是視內
外勒兵旬日集事咸稱神兵駿即位為武帝慶之封始興公歸
帝上命何尚之起復慶之曰沈公不效何公往而復來

子文季字仲達 晉書

沈攸之起義討蕭道成

沈麟年八十耳目聰明手自抄書細字盈篋

沈鱗士字雲禎博通經史講授中差山號織簾先生詩曰中差山
中有賢士開門教授居城市鄰人認其履脫予之曰是卿履也
鄰得履而還受之曰非卿履耶劉凝亦被認履與之還不受蘇
蘇軾曰當如沈不當如劉宋書

沈彬瑞州高安人吳先生授校書湘江詩數家魚網疎煙外一片
斜陽細雨中山水圖須知手筆安排定不怕山河整頓難州陽
朔縣詩陶潛彭澤五株柳潘岳河陽一縣花兩處曾如陽朔好
碧蓮蓬裏住人家彬臨終自指葬地及開有漆燈銅券篆曰住
城此日開已開曾未埋漆燈光未滅留待沈彬來

沈廷瑞彬次子學道馬山宋太平興國年卒後寄詩其友陳生

東武劉燕庭氏校鈔

金鼎銷紅日丹田老紫芝其初盛夏向火隆冬單衣古今詩話

沈懷文字思明好元學宋孝文吏部尚書兄曇慶宋尚書左丞
懷文三子淡深冲俱御史中丞

沈演之字臺真舉秀才拜右衛將軍加侍中宋文帝曰侍中領衛
此宰相便坐卿其勉之

沈瑀字伯禹瑜拜建德令教種桑梨柿粟改餘姚令權豪屏迹
南史循吏傳

沈峻字士嵩通五經二禮子文阿字國衛通三禮及春秋三傳拜
五經博士南史儒林傳

沈洙字宏道通經史傳梁尚書祠部南史儒林傳

沈不害字孝和博通經史文章立成周宏正曰沈生可謂心聖人
南史儒林傳

沈重子厚通春秋群書梁五經博士講三教大義紫極殿朝儒桑
門道流聽講二千人南史儒林傳

沈約字休文撰韻四聲撰宋書仕齊梁與范雲佐命尚書光祿大
夫久居端揆陳情老且病腰下革帶移孔出婺州太守約郊居
賦雌霓五的功王筠讀作虹霓之霓約笑之詩文見文選修竹
彈甘蕉文淇園貞幹臣修竹謹按姑蘇臺甘蕉宿沾雨露荏苒
歲月據臺西階澤蘭萱草到院同訴今月望日巫峽收雲秦樓
開照乾光宏普無也下獨被甘蕉攢筵布影私津障蔽密邇臺

東武劉燕庭氏校鈔

隅遂同幽谷臣以偏詞難信登攝蕉左右杜若江籬依原辨覆
異列同款咸有證驗初匪風蔽天敗類孰大於此是而不誅憲
章安用請徙根剪葉斥出臺外庶懲將來謝彼眾屈 約子旋
字士規南康內史孫眾字仲興梁武帝命作竹賦敕曰文體翩
翩無忝爾祖梁書

沈炯字初明梁尚書侍郎封原鄉侯俘於北魏道過漢武帝通天
臺作表奏述思鄉之情 祖瑀梁陽太守父績王府記室叅軍
梁書

沈憲字彥章山陰令孔珪曰沈今天才

沈法興湖州人義興年將兵趨江都定江表十餘州

沈既濟蘇州人唐拾遺史館修撰與楊炎交 子傳師治春秋
沈傳師元和白居易元真同登科制科杜佑許孟容權德輿薦拜
翰林學士中書舍人穆宗授湖南觀察使歷鎮李景讓杜牧蕭
寘皆出莫府

沈東美唐膳部杜甫贈詩曰今日西京掾多除南省郎通家惟沈
氏謁帝似馮唐詩律群公問儒門舊吏良天路牽騏驎雲臺引
棟樑

沈佺期唐江左詩體至沈佺期宋之問美麗稱沈宋 附李適之傳

沈全交唐進士武丘時官濫京師曰補缺連車載拾遺平斗量櫻
椎侍御史盜脫校書郎全交續云糊心安撫使眯目聖神皇唐

東武劉燕庭氏校鈔

沈義倫字順宜開封府人周顯德年同州莫府入宋官蜀郡還圖
書而已上嘉其清遷中書侍郎同平章集賢學士左僕射謚恭
惠公宋朝

沈括字存中吳興進士楊州司理熙寧年察訪兩浙農田水利修
起居注太常丞邊報兵興上命籍兩河民車給戰兩河民駭括
奏巫臣教吳車戰霸中國李靖以扁箱鹿角車禽頡利古人曰
輕車者兵車也利在輕速今民車輜重不便以牛輓車日行不
能戴十里雨雪跣步不可進故曰太平車恐不可用兵神宗悟
拜不刷兩河民車執政問何術立談可以悟主括曰可以理悟
拜右正言知制誥河北察訪使奉使大遼還淮浙安撫知青州

延州請城永樂謫隋州分司南京卒文曰長興集

沈獻達太常奉禮有文曰雲巢集

沈文通以存中爲括叔或笑曰沈文通三命而名諸叔文通皇祐
年狀元歷翰林院學士文西溪集和王景彝孤竹曰濯濯青玉
竿矯矯孤雲姿潛根失其托憔悴惟故時主人幸加怜曷不從
所宜歲寒風霜節無愧君子知宋詩三沈三劉三孔存中和州
人宋朝

沈晦昭信軍進士至天長縣夢乘大鵬升天作大鵬賦是年狀元
及第

沈興求字和仲湖州進士清康年太常博士建炎中侍御史中丞

東武劉燕庭氏校鈔

吏部尚書龍圖閣學士知鎮江召吏部尚書翰林侍讀叅政樞
密卒年五十二在中丞奏屯田便宜奏守奏戰立國大計奏淮
北歸歸人請給由蠲租助耕五年兩淮荒土盡闢數世之利兩
居言路建明急務甚多 宋言行錄

沈該字元約湖州人紹興年軍器主簿直板閣知盱眙杭州禮部
侍郎敷文閣待制知潼川召叅政左僕射同平章 宋朝

沈思字持正湖州歸安縣東林東林因號東老造八仙白酒一日

呂道人曰聞白酒熟求一醉東老見其眼光碧射人因留飲至
夕取榴皮畫其像題曰西隣已富憂不足東老雖貧樂有餘白
酒釀來因好客黃金散盡爲收書時在宋熙寧年 隱逸傳

審 沛郡

審食其漢封辟陽侯

審配魏人

新編古今姓氏通韻下集卷第四

東武劉燕庭氏校鈔

終

新編古今姓氏通韻下集卷第五

臨川布衣洪景修進可編

啖 河東

姓纂前奏錄啖姓避唐武宗諱改澹氏

啖鐵前奏將軍

啖彥珍唐水部郎中

啖麟唐會昌進士

啖助字叔佐趙州人通易詩書春秋經史孔子相傳歷秦漢左丘

明孔子同時以魯史附春秋作傳公羊高穀梁赤子夏門人言

語各有舛助生唐世治秦春秋訕三家不本所承憑私臆決曰

孔子意也助門人趙高陸質從而倡之啖考三家短長縫綻漏

嘉蔭錄

缺號集傳十年乃成作例統言孔子春秋用二帝三王法以夏為本不一守周典

冉 魯國 姓慕高辛氏裔一曰叔山冉之後又有雲安冉氏盤護後

冉雍字仲弓魯人贈薛侯封下邳公贊曰懿德賢行有一則尊子也履之成性存存駢角有用犁牛莫論刑政之言惠施元元

冉耕字伯牛魯人贈鄆侯封東平公贊曰德以充性行以澡身二事在躬日濟而新並驅賢科得賢與隣不幸斯疾命也莫信

冉求字子有魯人贈徐侯封彭城公贊曰循良之要在於有政可使為宰千室百乘師心育才治心扶性退則進之琢磨之柄

東武劉燕庭氏校鈔

冉孺字子魯魯人贈紀伯封臨沂侯贊曰紀伯子魯聖學是務厲

己斯約好問則裕周旋中規容止可度允矣昔賢後世所慕

冉季字子產魯人贈東平伯封諸城侯贊曰東平子產姓著盛時奉師於塾講道之微問答甚敏淵妙以思升降陞廉尚想英姿

染

染閔石委龍將魏郡內黃人 石趙錄

奄 風俗通周武王誅紂伐奄以國氏

奄息秦大夫

斂 姚秦將 斂憲 斂方 斂岐南安人

湛

湛茂宋人

湛僧知梁武帝醮州刺史攻豫章讓功夏侯夔

湛俞宋尚書郎

范 高平

姓慕陶唐裔

劉累夏御龍氏商承韋氏周唐杜氏

周宣王河間

滅杜伯杜伯子隰叔奔晉為士師及曾孫士

會食采隨改范今濮州范縣

范武子即士會士會生范文子士燮士燮生范宣子士匄士匄生

范獻子士鞅世為晉卿

春秋傳

范蠡仕越二十年初勾踐破吳雪會稽之恥越遂霸蠡乘扁舟泛五湖遺大夫種書曰飛鳥盡良弓藏狡兔死走狗烹越王長頸

東武劉燕庭氏校鈔

鳥喙可與共難不可與共樂種得書于是稱疾不朝王賜劍曰子教寡人七術用其三破吳有四在子為我從先王試之種遂自殺王召蠡曰來分國而處不來將族誅對曰君行令臣行意乃載重寶珠玉徒屬西施乘舟泛海之齊易姓名曰鴟夷子皮耕海濱苦身戮力父子治產居無幾何致產數千萬齊國聞其賢聘為相蠡曰居家數千金居官致卿相此布衣之盡極也乃歸相印散其才懷重寶間行去齊至定陶以定陶天下之中交易貿遷之路通為生可致富自稱陶朱公復約父子耕蓄侯時轉物逐什一之利復累貲鉅萬居陶生幼子及壯其中男殺人囚楚獄公曰千金之子不死於市乃裝黃金千鎰致褐器中載

以牛車以書遺昔所善莊生遺幼子往長男固請行不許長男
曰家長子曰家督今遺幼子是謂我不能任父事欲自殺於是
母曰遺遺幼子未必生中男空亡長子奈何公乃遣長子往戒
曰進書予金勿言此事長子至楚見莊生負郭披藜藿居甚貧
進書莊生曰可疾去矣慎勿留弟即出長子又以私金遺楚用
事貴人莊生以廉直聞自楚王以下皆師尊之言於王某星犯
某舍不利楚國王曰奈何曰德可禳之王議赦先封三錢府楚
貴人語曰王且舍昨封錢府矣不知禳星之言入也長子思千
鎰黃金輕棄復見莊生莊生驚曰子未去耶長子曰固未也初
為事弟弟今議自赦收辭生去莊生知其意欲復得金曰汝自

史記卷一百一十五

入室取金去長子即自入室取金莊生羞為兒子所賣乃入見
楚王曰臣言星變王欲以德禳之臣出皆言陶有富人子殺人
家以金賂王左右王非德楚國為陶富人子也王怒令先論殺
人者然後行赦長子持弟喪歸家人皆哭公獨笑曰彼非不愛
弟也與我俱苦治生重千鎰之黃金輕棄幼子生富何知金所
從來朱公以壽終于陶

史記

范睢改姓名曰張祿相秦互見須賈

范滂字孟博太尉黃瓊辟之為清詔使按察冀州登車攬轡慨然
有澄清天下之志守令貪污望風解印綬去滂多奏劾刺史二
千石之害民者尚書疑之滂曰農夫去草嘉穀必茂忠臣除姦

王道以清汝南太守宗資以滂為功曹謠曰汝南太守范孟博
南陽宗資主畫諾滂郭泰尹勳泰巴肅宗資夏馥蔡衍羊隲八
顧黨錮難作汝南督郵吳道受詔捕范滂閉傳舍伏床泣滂曰
必為我自詣縣令郭揖解印綬欲俱亡曰天下大矣何至於此
滂曰何可畧君又使老母流離滂曰母仲博孝敬足以奉養滂
從龍舒君歸黃泉存亡各得其所惟大人割不可忍之恩母曰
李杜齊名死亦何恨滂跪受教謂子曰使女為惡不可為使女
為善我不為惡滂父龍舒侯相 漢本傳

范式字巨卿遊太學與汝南張邵元伯為友並告歸式約曰後二
年當拜尊親乃共刻期而別至日期邵白母具雞炊黍待之母

東武對燕庭氏校

曰三年違面千里結言何相信之審耶邵曰巨卿信士式及期
果至升堂拜母飲盡歡 漢書

范丹字史雲萊蕪長性狂急不能從容佩韋自緩朝議欲擢御史
乃遁逃梁沛間捃拾不給里中曰甑中生塵范史雲釜中生魚

范萊蕪 東漢

范宣潔行韓豫章遺絹百疋不受減至半不受減至一疋亦不受
韓裂半予之曰安可使婦無暉乎笑而受之 晉書世說

范粲魏太宰中郎邵陵屬公曹芳遷金鏞城粲素服拜送自稱疾
佯狂寢所乘車中足不履地口不言事如是者三十六年壽八
十四卒于車中 晉紀

范甯父徐州兗州刺史甯好學質直與徐邈晉武俱親信數進忠
言甯中書侍郎言王弼何晏滅棄典常幽沉仁義罪浮桀紂甯
外甥王國寶阿諛甯疾之國寶譖甯出為豫章太守名在豫章
賢牧祠學堂互見徐邈孫曄

范曄字蔚宗注穀梁傳襲封武興侯俊才薄情淺行宋文帝授宣
城太守刪後漢書述漢中興女德作烈女傳曰詩書言女德尚
矣賢妃助國君之政哲婦隆家人之道高士弘清淳之風貞女
亮明白之節其美一也元嘉年曄孔熙先以逆誅宋書

范栢年梁人宋文帝曰廣州有貪泉對曰梁州有文川武鄉廉泉
讓水上曰鄉宅在何所對曰臣居廉讓之間拜梁州刺史宋書

宋武烈帝范氏校鈔

范平字子安吳郡人研覽墳典百氏晉太康徵不起謚文貞先生
子蔚

范蔚封關內侯世好學家有藏書遠近來借看讀者日百餘人蔚
皆食之晉史

范縝字子貞竟陵王子良鎮西川范雲任昉王融謝朓沈約陸倕
蕭衍蕭琛八支真孔休源文學親子良重佛縝曰無佛子良曰
不信因果何以有富貴貧賤縝曰人生一世如樹花同發隨風
飄散或拂簾幌綴茵席或闕籬墻落糞溷貴賤自殊因果何有
又作神滅論子良令王融謂曰以卿才美何患不至中書宜毀
此論縝笑曰使縝賣論取官當至今僕矣齊

范雲有詩名鍾嶸曰范雲詩宛轉清便如流風迴雪丘遲詩抑揚
點綴如落花依草竟陵王啓雲為郡上曰聞其喜相賣弄子良
曰雲動相規諫書具存取百紙奏上文惠太守子觀獲東田雲
曰三時之務長勤願知稼穡艱難梁高帝受禪雲侍宴上語臨
川宏曰范尚書親善汝宜呼范為兄宏拜雲同還尚書省雲尚
竒節濟人急難雲與長史王暄相友善暄卒家貧無以為葬雲
迎喪回舍葬焉雲徐勉梁世賢相雲霄城文侯

范履冰唐武后相

范質字文素大名麻人母張氏夢人授五色筆而生九歲能文唐
進士晉天福年監察御史中書侍郎集賢院學士司徒宋侍中

東武劉燕庭氏校鈔

拜相封魯國公卒年五十四太宗曰近世宰輔循規矩惜名器
無如質但欠為周世一死質曰能鼻吸三斗醋即可為宰相
子旻

范仲淹字希文唐宰相范履冰裔邠州徙蘇州祖贊仕錢氏父墉
仲淹幼孤隨母適朱氏舉學究諫議姜遵曰朱學究竒士必名
世年二十登科歸宗謝表志在投秦入境遂稱張祿名非霸越
乘舟敢效陶朱范禹僞冒張姓登科謝表昔年上第誤標張祿
之名今日故園復紹范睢之裔仲淹金在鎔賦如今區別妍媸
用為藻鑑倘使削平佔叛鑄作干將王曾晏殊薦仲淹延安西
夏曰無以延安為意小范老子腹中貯數萬甲兵不比大范老

子可欺也范雍同韓琦收靈夏橫山謳曰軍中有一韓西賊心
胆寒軍中有一范西賊驚破胆西夏黠人為軍范公改手號奏
築通州堤扞民田景祐言事忤大臣謫饒州謝表此其為郡陳
優優布政之寬必也立朝增蹇蹇匪躬之節與呂夷簡不咸及
謀國事則交歡除樞密知鄧州給事中知杭州戶部侍郎知青
州卒謚文正公初公少貧時有一術士授煉水銀法并白金曰
吾子幼不能傳公受之及在諫官日召術士之子以父所授白
金并煉水銀方授之自政府歸姑蘇以絹三千匹散給閭里親
戚故舊曰鄉黨尚親見我生長幼學壯行為我助喜買蘇州近
郭田千餘畝立義舍給宗親嫁娶喪葬各有定數公沒四十年

東武劉燕庭氏校鈔

子孫奉行不替公生四子純佑純仁純禮純粹

范純仁字堯夫父命運麥姑蘇舟次丹陽見石曼卿言三喪淺土
欲墓而北歸堯夫與麥舟而歸文正公問東吳見故舊乎曰見
石曼卿三喪淺土留滯丹陽公曰何不以麥舟與之曰已付之
矣堯夫未娶妻聞有羅幔曰羅綺非帷幔用吾家世清儉安可
紊吾家法敢吾至吾家當火於庭初自著作襄城縣教種桑民
懷惠稱著作桑元祐年右僕射中書侍郎知太原河南潁昌再
相知陳州貶永州分司南京召觀文殿太大學士太一宮使卒
謚忠宣公年七十五徽宗書世濟忠直之碑

范純粹字德儒知慶州蘇軾送以詩

見蘇集

范宗尹^字宗覺民襄陽人舉進士靖康年侍御史諫議大夫建炎年
叅政右僕射同平章知温州歷徽欽高三朝

范鎮字景仁城都華陽人舉進士初薛奎知城都府館置曰范公
廊廟才還朝載後車曰吾得偉人蜀珍不足貴鎮狀元登科宰
相龐籍薦之仁宗鎮奏請正東宮百餘日間奏十九疏英神宗
時五疏奏王安石變常平法行青苗法常平法始漢盛便農近
古青苗起唐衰世不足法臣年六十三言不行請致仕又曰蘇
軾孔文仲獻忠上不用將必有獻佞誤上者如李定不持喪不
認母壞人倫逆天理乃欲以李定為御史御史臺罷陳薦舍人
院罷宋敏求李大臨蘇頌諫院罷胡宗愈如王韶上書開邊事

東武劉燕民抄

敗不問而罪及帥臣天雨鬼輸非出自建事者之家皆一出於
民也民魚也財水也水深魚活財足民生養民而竭其財是猶
養魚而竭其水也上有納諫之明大臣進拒諫之計上有愛民
之仁大臣用殘民之術臣職獻替不言則負君言則觸大臣之
怒王安石大怒鎮落職戶部侍郎致仕謝表雖曰乞身而去不
忘憂國之忠願任老成為腹心以養和平之福集群議為耳目
以除壅蔽之奸聞者壯之元祐年卒壽八十一謚忠文公猶子
百祿從孫祖禹

范百祿字子功父錯衛尉寺丞百祿擢制科治平年秘書丞知濛
陽縣熙寧年江東提刑知利州梓州召知諫院中書刑部侍郎

翰林學士龍圖閣學士知開封府侍郎知河南府

范祖禹字淳夫祖鍇父百太常博士母夢金甲神人至卧内曰

吾漢鄧禹也覺而生祖禹初祖禹字夢得司馬光曰鄧禹内行

淳備因字淳夫登科司馬公辟公編修資治通鑑九十五年書

成光薦召試中書諫議大夫初元祐著作程伊川語温公曰經

筵得淳夫好温公曰淳夫已修史伊川曰願自度無温潤氣象

淳夫色温氣和可開陳是非導人主乃除侍講龍圖閣學士知

陝州紹聖年謫永州韶州別駕賀州賓州化州卒年五十八著

述唐鑑十二卷南北征伐編年

范雍字伯純河東人曾祖仁恕孟蜀丞相祖龜從孟昶入朝父德

東武劉燕庭氏校鈔

隆雍進士終禮部尚書謚忠獻公子宗傑孫子奇曾孫坦

范宗傑兵部侍郎直史館

范子奇吏部侍郎待制

范坦戶部侍郎

范正能吳縣人進士徽州司戶洪适知州以訟牒付之正能必問

一牒幾人姓名何事司戶因習吏事國史編修著作知處州資

政學士奉使金回中書知靜江西川置制知成都禮部尚書知

貢舉學士叅政知婺州明州沿海制置端明學士江東安撫行

營晉守三除資政殿大學士知太平州卒年六十八修處州

濟堰興水利知成都通夔陝山路避湍險便民裁酒課減額薦

賢奏兵民士五事入朝賜晏選德殿上書石湖二字賜之正能
曰吾里吾宗永為光寵刻兩朝宸翰扁重奎閣在官禮賢愛民
興利除害詩文石湖集吳門志奉使擘轡錄入越駮鸞錄桂海
虞衡志出蜀吳舟錄

新編古今姓氏選華韻辛集卷第五

東武劉燕庭氏校鈔

終

新編古今姓氏選華韻辛集卷第六

宋 廣平 扶風 敦煌 河西 河南 五望

子姓微子啓封宋傳三十六世至宋公偃楚滅宋 楚將軍宋
義生昌漢中尉居河西介休縣徙廣平 唐宰相二 環 申錫

宋 煙說秦楚 孟子

宋玉郢人因其友見楚襄王王不禮玉玉讓友友曰董桂因地生
不因地而辛女因媒嫁不因媒而親玉曰齊校兔東郭斂旦走
五百里有良犬韓盧旦走五百里遙見指屬韓盧不能象兔之
塵躡跡縱縹東郭斂不能離矣子之屬臣躡跡而縱縹與遙見
而指屬與玉有高唐賦朝為行雲暮為行雨玉曰客有歌郢中

曰下里巴人國中屬而和者數千人曰陽阿薤露國中和者數百人曰陽春白雪國中和者數十人引商刻羽雜以流徵國中和者數人而已是其曲彌高和彌寡史記

宋弘漢司空湖陽公主者見弘威儀容德朝臣莫及光武召弘問曰貴易交富易妻人情乎對曰貧賤交不可忘糟糠妻不下堂上顧主曰事不誥矣東漢

宋均字叔祥九江太守進忠善去奸貪虎負子東渡河去明帝召拜尚書令

宋纖字令艾隱居酒泉郡南山號玄虛先生郡太守馬岌造謁不見岌曰名可聞不可見人可仰不可覩先生人中龍也刻石壁

東武劉燕庭氏校鈔

曰丹崖百丈青壁萬尋奇木蒼鬱蔚若鄧林其人如玉維國之琛室邇人遠實勞我心晉書

宋選送弟入洛登舟掛帆東下選詩立凝睇久語細君曰帆過南浦今夜清風明月宿水際誰家

宋處宗好學養一雞窓前久雞能言處宗學大進

宋季雅市宅王僧珍宅傍王問宅價對曰一千一百萬問太貴季雅曰百萬買宅千萬買隣王生子季雅函錢一千賀隣人不通

季雅固進乃千金錢僧珍言於梁武帝拜季雅衡州刺史梁書

宋世良字元友殿中侍御史出為清河太守及世良官滿傾城祖錢一老人丁金剛日記三十五政惟府君一人清徹底郎中醴

泉湧出

宋世景榮陽太守發姦擒伏如神事親至孝

宋世執拜廷尉有洛州盜劫河橋廷尉崔昂以為反叛獄數年世軌誅其魁時大理蘇珍之平幹齊名語曰決嫌定疑蘇珍之視表見裏宋世軌 並齊書

宋璟唐進士及第初沉下僚蘇味道為直指使者璟獻梅花賦遂列文人之目遷廣州都督廣中茅茨竹屋多火災璟教以陶瓦墻垣除火患廣州立遺愛碑姚崇薦以自代拜刑部尚書張說源乾曜同日拜詔尚書省賦三傑詩璟稱有脚陽春拜相上賜勅表其直張昌宗誣魏元忠引張說證武后召說璟語說曰名

東武劉燕庭氏校鈔

義至重鬼神難欺不可黨邪陷正事不測璟當力爭與子同死說從之元忠免姚宋並相時畢構李乂盧從愿懷慎陸象先一時之選張嘉貞見璟危言切諫之直嘉貞歎息歷中睿至三朝開元年璟致仕歸東都

宋申錫字慶臣孤直唐自長慶寶歷以來風俗日薄及申錫進用一時人以為可激浮競還淳朴

宋之問字延清汾州人父令文富學工書有勇力稱三絕之問文章之悌趨勇之遜草隸書名三子各得父之一絕武后遊龍門從臣賦詩左史東方虬詩先成賜錦袍之問詩繼成詞翰俱美上命奪東方虬錦袍賜之之問有意內翰不獲乃作明河篇明

河可望不可親願得乘槎一問津唐江左詩至沈佺期之間美
麗故曰蘇李在先沈宋比肩

宋齊葛巾抄書西明寺唐德宗微行至寺索茶齊曰鼎水方煎有
茶未在此可自潑上問作何事曰應進士舉問姓名曰宋五名
濟少頃有人呼官家齊懼伏地上曰宋五坦率禮部放榜死名
上曰宋五又坦率

宋偃洛陽人祖瑤唐節度使父延浩尚義寧公主莊宗女生偃尚
永寧公主漢祖女偃駙馬都尉節度使檢校太師中書門下平
章女十五人宋藝祖后其長女也加偃節鎮從征太原知幽州
太宗擢知滄州封邢國公右衛上將軍知霸州謚莊惠公韓崇

東武劉燕庭氏校鈔

訓冠準王拱宸俱偃女婿

宋齊以徐知誥之謀主請免丁口錢戶稅穀帛細絹一疋直一千
錢準稅錢三千或曰縣官歲失額齊以曰安有民富而國貧者
知誥用其言自此江淮曠土盡闢桑麻遍野國內富強

宋廷芳生五女若莘若昭若倫若憲若荀莘昭文學高性貞潔以
學名家唐德宗召為女學士若莘主禁園籍若昭女尚書歷憲
敬穆三朝稱女史唐史

宋琪字叔寶范陽薊人晉天福年契丹琪進士入宋自諫議大
夫參大政一歲拜相李昉同中書門下平章謚惠安公琪七十
九至道年司空李昉李運張好問武允成石楊徽之朱昂僧

贊寧九老會洛陽繪像普明寺

宋綬字公垂隨州人外祖楊徽之遺澤官太祝召試中書真宗召試學士院父舉俱館閣右正言奏赦逋欠稽違未報者六十八郡詔諸路限半月以聞於是脫囚械三千二百人除逋欠數百萬擢知制誥翰林侍讀經筵卒諡宣獻公子敏求

宋敏求任秘書省歷館閣知太平州諫議大夫知制誥時李定以判官除御史敏求封還詔頭奏御史官必兩任通判方可李定幕職入繩糾之任不循官制請罷敏求終龍圖學士修國史

宋白字素臣年十一善屬文建隆年中拔萃科白初官嘉州玉津縣令詩玉津縣內三年閏金粟山頭九月愁遷吏部尚書致仕

東武劉燕庭氏校鈔

謚文安公

宋迪度支員外郎善畫作瀟湘八景圖 遠浦歸帆 平沙落雁

江天暮雪 山市晴嵐 煙寺晚鐘 漁村落照 瀟湘夜

雨 洞庭秋月

宋庠字公序初名郊字伯庠開封進士弟祁俱游學夏竦守安陸席上賦落花詩夏曰鼈禁材台輔器庠詩一夜東風拂苑牆歸來無處刺淒涼漢臯佩冷臨江濕金谷樓危到地香淚臉補痕勞懶隨舞臺收影費鸞翔南朝梁府休賡曲桃葉桃根總可傷祁詩墜素飄紅各自傷青樓烟雨忍相忘將飛更作迴風舞已墮猶成半面粉滄海客歸珠迸淚章臺人去骨遺香可能無意

傳雙蝶盡委芳心與窠房庠鷲鳥不雙賦天地始肅我則振羽
獨來燕雀焉知我則凌雲自致將翺將翔詎比海鷁之翼自南
自北若將 隼之 天聖年登科嘉祐年樞密同平章封莒國
公英宗加封鄭國公出將入相二十七年判亳州司徒致仕年
七十一謚元憲公詔王珪撰神道碑英宗賜忠規德範之碑初
在翰林時李淑譖其名擅郊天姓同國號仁宗命改名庠寄葉
道卿清臣詩莫疑書錄題劉向即是當年劉更生

宋祁字子京天聖進士第一章獻后曰弟勿先兄郊第一祁第十
中山劉均子儀知貢舉郊祁俱晏殊客祁知成都府奉詔修唐
書在郡開門垂簾燃燭焚香侍兒和墨舒紙郡人遠觀宋尚書

東武劉燕庭氏校鈔

修唐書初賈昌朝建議上命祁王堯臣楊察張方平范鎮邵泌
宋敏求呂夏卿呂朝提舉丁度兼領劉沆歐陽修分撰紀志劉
義叟撰天文五行律歷志梅堯臣修方鎮百官表祁范鎮在局
修書一十七年王疇一十五年宋敏求呂夏卿十年書成祁進
工部尚書翰林承旨歷節鎮卒謚景文公其文章名世守邊有
古名將風三入蜀前後十八年路經繁臺逢內家車馬簾內呼
小宋祁作鷓鴣天詞曰畫轂雕輪狹路逢一聲腸斷綉簾中身
無影鳳雙飛翼心有靈犀一點通 黃金作屋玉為籠車如流
水馬如龍劉即尚恨蓬山遠况隔蓬山千萬重此曲流聞仁宗
問第幾車何人呼小宋有一宮人自首上賜晏翰林因從容問

此詞初惶懼上曰今蓬山不遠詔出宮人賜初初與張子野相見先傳語雲破月來花弄影即中子野應曰是紅杏枝頭春意開尚書乎

宋國寶見趙太守女素素對樓理板宋吟曰誰家嬌媚立朱闌雲鬢蓬鬆淚不乾腕下綉鞋紅似軟繫履草線結雙鸞趙答曰懶上層樓怕倚闌不吟詩句墨池乾妾心歡慕文章士無計成雙學彩鸞趙聞官素素自陳曰妾搭朱簾即倚闌樂同欲去復相看自沾一霎芭蕉雨冷透羅衣不覺寒官府判從媒氏納采成婚

宋晁宗白蘇易簡張洎在翰林真宗命撰李繼善封西平郡王制

東武劉燕庭氏校鈔

晁草曰先皇早深西顧欲議真封屬軒輅之俄遷建漢壇而未逮故茲遺命特付眇躬爾宜望弓劍以拜恩守疆垣而効節甚稱上意

貢 廣漢

貢禹字少翁漢元帝諫議大夫御史大夫上書犬馬之齒八十有一去家三千里願及生還禹明經附石顯

漢

用 姓苑

用料漢高唐令

用羽名士錄

鳳 姓苑

鳳網平陽人 神仙傳

雍 京兆 姓慕部雍曹滕 周文王子封雍伯

雍門周鼓琴見孟嘗君互田姓

雍糾鄭大夫 桓十五年

雍廩齊人

雍鉏宋人

雍子楚人

雍齒漢封什邡侯

雍仲進獻南海香拜洛陽尉時曰香尉

雍陶簡州牧好折辨馮道明曰誦貧外詩仰貧外德貧外詩集中

東武劉燕庭氏校鈔

立當青草人相見行傍白蓮魚未知江聲秋入寺雨氣夜侵樓

閉門客到長疑症滿院花開不似貧陶與結交 雲溪友議

仲 中山 高辛氏才子八人仲堪仲熊 周八士仲突仲忽

魯三桓仲孫氏

仲虺湯左相

仲山甫周宣王時樊侯

仲由字子路汴人贈衛侯封河內公贊曰升堂惟先千乘惟權陵

暴知非委質可賢折獄言簡結縷禮全惡言不耳仲尼賴焉初

子路食藜藿事親負米百里外親沒後子路南遊楚從車百束

粟萬鍾列鼎而食累茵而坐思欲食藜藿為親負米百里不可

得也

仲長統漢

仲簡宋天章閣待制

擊 風俗通帝擊子擊 擊疇古侯國 詩大明擊仲氏任

擊綱茂陵人漢貨殖傳

擊模魏人模生虞

擊虞字仲治舉賢良晉武詔賢良會東堂策問擢舍人上命樞氏

族昭穆十卷上問三月三日曲水虞曰漢徐肇生三女並日而

亡于是洗液泛觴上東哲哲曰周公之成洛邑因水流觴周書

三月丙午肱逸詩曰羽觴隨波秦昭王三月三日置酒河曲見

東武劉燕庭氏校鈔

金人捧水心劍曰命君霸諸侯因名曲水晏漢因盛集上賜哲

金五十斤虞大輒叔廣俱列卿廣樞機善談論虞不能對虞著

文以難廣廣不能答虞光祿勳太常卿作思游賦

智 春秋荀林父孫智邑智范韓魏趙中行晉六卿

智螢字子羽生盈盈字伯鳳又稱荀盈 宣十二年

智宣子以瑤為後智果曰不如宵也瑤美鬚長大則賢射御足力

則賢技藝畢給則賢巧文辯慧則賢強毅果敢則賢如是而甚

不仁以五賢陵人而以不仁行之果立瑤智宗必滅不聽智果

別族輔氏魏滅智惟輔果在

智嗣漢零陵太守

義 平原 風俗通義伯陽 義渠西戎

義安國漢光祿勳

義縱漢酷吏河東人長安令直法行治不避貴戚拜南陽太守吏民重足而立遷定襄太守郡中不寒而慄

義稹宋進士及第

騎

騎叔燕將 史記

懿

懿氏卜妻敬仲 莊二十二年

懿橫秦吏部 後秦錄

東武劉燕庭氏校鈔

貳 漢東 春秋楚屈瑕盟貳珍

貳秦秦平陽太守 後秦錄

翠 漢東 楚大夫景翠裔

翠駕為急就章

駟 春秋鄭七穆子駟

駟鈞齊哀王舅封恩澤侯漢功臣表鄔侯駟鈞

駟勝漢成帝博士

肆 風俗通大夫肆臣

肆敏後漢漁陽太守

秘

祕彭祖封戴侯傳七世漢功臣表

祕宣秦僕射西秦錄

祕瓊五代時人

隸

隸首黃帝臣作算數九章算法漢許商杜忠吳陳熾魏王粲俱

能隸

厲范陽風俗通齊厲公後三國吳孫皓後孫秀奔魏改姓

厲氏

厲溫漢魏郡太守封義陽侯

利河南春秋楚公子食采利其地即葭萌

東武劉燕庭氏校鈔

利乾漢中山相

利幾利真源漢陽人神仙傳

利鹿孤晉安帝時封武威王

利漑宋登進士科

次

次非荆勇士呂氏春秋

次公封僚侯漢功臣表

冀渤海春秋晉邾芮食采冀在晉州冀芮生冀缺

冀儁字僧儁善隸書周文帝記室北史儒林傳

冀膺宋登進士科

薊 內黃

薊訓有神術 東漢方術傳

計 京兆

計燕辛研互見辛姓愛邱濮上人

計訓漢司徒

計子勳後漢人

計用章宋尚書郎

既

既諒漢安長史

費 汝南 姓纂夏禹裔 費昌舍柴歸湯 費仲紂幸臣 孫

東武劉燕庭氏撰

盛蜀譜益州諸費名位最盛 河南官氏志後魏費連氏改費

氏

費伯城郎 春秋隱元年

費無極楚少師 昭十九年

費直字長翁東萊人精易卜 前漢儒林傳

費貽健為人漆身佯狂不仕公孫述光武平蜀拜合浦太守 東漢

獨行傳

費長房汝南人為沛掾見壺公賣藥于市夕入懸壺長房為給事

掃除師之壺公令隨入壺中有樓觀五彩重門閣道壺公試長

房三事遂得道思歸壺公送竹杖一筥縮地法至葛陂杖入水

嘉蔭錄

化龍一綫乃其壽年數 神仙傳

費詩字公舉蜀犍為太守 蜀志

費禕字文偉蜀黃門侍郎遷尚書令凡文書舉目一視已究旨意
敏速數倍於人終不一忘常日朝晡聽政其間接賓客飲食嬉
戲博奕盡人之歡而政事不廢汎愛不疑人因大會諸將漢壽
間郭循刺禕初諸葛亮言其志慮忠純 蜀志

費穆涇州刺史 北史

費氏女青城人以才貌入蜀宮幸於孟昶號花蕊夫人效王建作
宮詞百首入宋藝祖令進詩曰君王城上望降旗妾在深宮那
得知十四萬人齊解甲竟無一箇是男兒

東武劉燕庭氏校鈔

尉 春秋尉子鄭大夫食采尉氏縣 姓纂尉繚子著書 河南

官氏志尉遲部改尉氏

尉止子駟有爭 春秋襄十年

尉古真賜爵東州侯 北魏

尉瑾齊吏部尚書右僕射

尉發代人太學生應募擊賊陳汝間有功賜爵介休男杏城鎮將
魏文成賜以衣

尉元字敬仁父中山太守元羽林郎拜鎮西大將軍尚書令司徒
詔曰司徒尉元明允誠素元亨利貞位顯台司歸老私第可謂
知始知終希世之賢尊為三老 北史

尉標代人太寧年拜司徒子貴儀同三司

尉景字士真齊神武勳威冀州刺史受賄賂伶官石董桶戲侮之

剽其衣景怒問之石曰公剽百姓我今日如何不剽公北史

尉招敏宋節度使

魏 鉅鹿 任城 周文王十五子畢公高裔畢萬任晉賜邑魏

唐宰相六 玄同 徽 暮 元忠 知古 扶

魏 華武子 僖二十八年

魏 錡食采呂曰呂錡 宣十二年

魏 顆敗秦師獲杜回 將戰見老人結草抗杜回夕夢老人曰爾用

先人之治命余是以報 宣十五年

東武劉燕庭氏校鈔

魏 絳莊子和戎晉侯賜金石之樂 襄四年

魏 舒獻子為政以虛子魏戌為梗陽大夫仲尼曰魏子近不失親

遠不失舉可謂義矣 昭二十八年

魏 斯趙籍韓虔為諸侯威烈王二十三年司馬光資治通鑑始於

此

魏 冉封穰侯秦昭王母宣后之弟 國策

魏 無知薦陳平及漢賞功臣陳平曰非魏無知何以得見上賞無

知

魏 勃欲見齊相曹參無以自通往掃舍人門舍人見曹參參以勃

為舍人

嘉蔭錄

魏尚文帝雲中太守

魏相字弱翁賢良對策第一茂陵令河南揚州太守宣帝時魏相拜御史大夫上封事言全功臣之世白去副封防壅蔽代常賢為丞相封高平侯丙吉同心輔政圖繪麒麟閣蓋憲侯漢本傳魏昭陳國童子請於郭泰曰經師易過人師難遭願供給左右林宗命作粥粥成泰呵曰為長者作粥不加敬意不可食以杯擲地昭更作粥三進三呵之察昭姿容無變泰曰吾始見子之面今知卿之心矣遂友善

魏滕會稽功曹從孫策

魏延蜀司馬謂諸葛亮曰夏楸魏主婿怯而無謀願假延精兵五

東武劉燕庭氏校鈔

干從褒中循秦嶺東當子午谷而進十日可達長安楸聞延奄至必棄城走比東方合聚尚十餘日公從斜谷來亦足以達如此一舉咸陽以西可定也亮以延計危道不用

魏舒字陽元少孤養外家寧氏寧氏起宅相宅者曰出貴甥舒曰當成此宅相年四十舉孝廉遷上將軍晉武帝曰魏舒堂堂人之領袖初鍾毓與參佐射令舒畫籌一日令舒備數舒張弓挾矢容範閑雅每發必中毓愧曰吾不足以盡卿才有如此射舒武帝時辭封劇陽子致仕晉三公令終惟舒一人

魏德深貴鄉長徙館陶從而徙館陶者數百家循吏傳

魏準鬱林王誅中書王融而召準準懼而死全體青驚破膽梁紀

嘉蔭錄

魏攸齊中書令撰魏書以愛憎褒貶曰舉之可使升天按之可使入地書成中書令盧潛奏攸誣罔當時名穢史北史

魏徵字元成唐諫議凡上二百餘奏唐太宗曰貞觀前從定天下者房玄齡貞觀後納忠進規魏徵而已十漸不克終之疏上列屏風拜丞相封鄭國公諡文貞圖繪凌煙閣徵四子叔玉叔琬叔璘叔瑜豫州刺史工草隸以筆意傳其子及外甥薛稷唐世工書前虞褚後魏薛叔玉尚太宗女停婚本傳

魏稠徵玄孫玄白居易

魏謩徵五世孫楊汝士薦右拾遺文宗問家藏書對曰惟先臣故笏在上曰卿家此笏甘棠也宣宗擢自御史中丞拜相同平章

東武劉燕庭氏校鈔

論奏上前挺挺有祖風以剛直為令狐綯所忌

魏知古深州進士歷黃門侍郎多諫疏姚崇薦之遂同拜相初知古典吏部選時姚崇子分司東都有請託知古奏之玄姚崇宋璟曰叔向遺直子產遺愛兼之

魏玄同字和初定州進士吏部侍郎同平章以周興諧賜死

魏元忠未達問相張景藏不答元忠怒張曰公之相在怒時位極人臣唐高宗元忠自太學上封事召直中書省監察御史武后時坐流棄市者四與張楚金俱臨刑后命王隱客馳騎傳聲赦是日陰雲四塞既赦天日開霽中宗召自端州還拜相附武三思與時俯仰蕭楚客責元忠十失唐書

魏伯陽後漢人學仙弟子三人同鍊丹成伯陽曰先與犬飛乃可
犬化為灰伯陽服亦然弟子服又然其二弟子見俱化為灰不
服而下過山下人曰伯陽一弟子一犬在前去其二弟子再入
山則荆棘無路後伯陽手書與二弟子述作丹傳撰參同契三
卷

魏夫人杜甫望嶽恭聞魏夫人羣仙挾翱翔杜田注名華存字賢
安司徒魏舒女咸和八年卒壽八十二或云飛昇扶桑帝君授
青瓊之版見真誥記

魏仁溥字道齊周中書侍郎同平章入宋右僕射從征太原至梁
侯驛疾卒諡宣懿子咸尚公主封齊王仁溥娶李溫玉女

東武劉燕民抄

魏廷式自益州入朝太宗曰有事中書對曰臣三千七百里乘驛
至奏數事取斷聖衷非為中書來也

魏灌知廣州子城有碑志委於鬼工灌即與築子城儂智高叛廣
州賴以全活灌詩螭頭賜對恩殊厚雉堞論功事已空淮上有
山歸未得獨揮清涕向東風文彥博奏其詩羸羸霜鬢一衰翁
蹤跡年來似轉蓬萬里遠歸雙闕下一身閒在衆人中螭頭賜
對云云見前除龍圖閣待制京兆尹

魏了翁印州人官叅政號鶴山

魏野字仲先陝州人寇準知陝州友善同遊寺題詩準貴寺僧以
碧紗籠其姓名野塵埃中從行官妓以紅袖拂野曰若得時將

紅袖也應勝著碧紗籠謝準見訪曰晝睡方濃在竹齋柴門日
午尚慵開猶回一覺游仙夢村巷傳呼宰相來又寄曰好去工
天辭富貴却來平地作神仙又訪王旦曰從前輔相官難久獨
在中書十五秋泰嶽汾陰俱禮畢這回歸伴赤松遊旦致仕真
宗召野不起天禧年卒贈祕書著作有詩集子閑

魏開皇祐年詔贈清逸處士送潘閔詩朋友時相遇召徭宿舊廬
共君一夜話勝讀十年書宋祁贈詩姓名高士傳父子少微星
魏石年七十六至道九老會互李昉

季壽春 姓慕陸終第六子季連 周八士季隨季騶 春秋
魯三桓季友

東武劉燕庭氏校鈔

季梁使隨侯修政楚不敢伐 桓五年

季孫行父文子生宿武子作林鍾以銘魯功 文十八年

季布楚人窘辱沛公漢得天下搜求急布自賣魯朱家因赦為郎
文帝拜河東太守或言其賢召為御史大夫或言使酒難近留
邸一月報罷布曰以一人之譽召臣以一人之毀去臣恐天下
有以知上淺深也上曰河東吾股肱郡故召君耳辯士曹邱生
招權得顧受金錢與竇長君善布絕之長君曰季將軍不樂足
下生固請書往揖曰楚諺云得黃金千鎰不如得季布一諾足
下何以得此聲於梁楚間哉僕與足下俱楚人使僕游揚足下
名於天下顧不美乎布厚待之布之名益彰於時者曹邱生為

之也弟心

季心以勇俠名關中過人恭謹方數千里士爭先肯為之死少年

藉其任俠以行時稱季心劇孟

漢書

貴

貴遷漢廬江太守

桂 天水

桂褒漢揚州刺史

桂仲武唐永寧令

桂堂彭山進士宋熙寧年登科遷威州刺史堂至通化軍置酒大

會召保州霸州酋長諭宋威德招降霸州

東武劉燕庭氏校鈔

桂如淵宋監司漕臣

吳 東漢太尉陳球碑陰載成陽吳橫漢末被誅有四子一字墳

墓姓吳一徙徐州姓吞一徙華陽姓焮一徙幽州姓桂吳吞焮

桂四字俱九筆同音桂

吳橫漢衛尉

吞景雲漢上計掾

焮欽漢

焮 春秋士會支子士魴食采焮邑在平陽北

焮季佐下軍

成十八年

焮恭子

被

被瞻鄭大夫 呂氏春秋

被條漢牂牁太守

世

世鈞秦大夫

世寵漢九江尉

世顧善著書

御 周禮御人 春秋御叔

御長倩公孫宏故人 漢書

過 東莞 姓苑東莞過氏

東武劉燕庭氏校鈔

過冲漢河南太守

遇昌朝宋進士

豫

豫讓智伯臣趙襄子滅智氏讓入宮塗廁欲報仇襄子如廁心動

索得豫讓襄子曰義士吾謹避之讓曰士為知己者用女為悅

己者容漆身為癩吞炭為啞其妻不識其友識之曰以子之才

臣事趙孟必得近幸為子所為顧不易邪讓曰不可委質為臣

又求殺之是二心也凡吾所為極難然將以愧天下後世為人

臣懷二心者襄子出至橋馬驚讓伏橋下獲之襄子曰子事范

氏中行氏智伯滅之子不報仇今智伯亡子何報仇深也對曰

嘉蔭

范中行衆人待我我衆人待之智伯國士待我我以國士報之
臣聞明主不掩人之義忠臣有死義之名今日臣固伏誅願請
君衣致臣意可乎襄子義之與衣讓三呼三躍斬其衣伏劍自
殺史記刺客傳

喻江夏 喻錢梁武帝曰喻錢非君子名命改俞五俞姓

喻歸撰西河記三卷

喻猛字驕避南昌人漢和帝時蒼梧太守以清白為郡人頌曰出

自中臺鎮於外國威風光遠吏民維則簡於帝庭功化畢植洪

武職方乘

喻鳧喻坦之並唐詩人

東武劉燕庭氏校鈔

喻汝礪隆州人靖康年祠部員外郎力諫勿割三鎮金人立張邦

昌為齊王汝礪掛冠自號捫膝先生宋朝

鑄 風俗通鑄國帝堯裔地在濟北 春秋臧宣叔妻娶鑄氏

具 魏郡 春秋具丙晉大夫

具褒漢中山太守

具瑗東漢中常侍稱具獨至與左 官等共誅梁冀同日封五侯漢

桓紀及卓起傳

巨 平昌

巨武漢荊州刺史

布 風俗通布子趙人

布與江夏人見陶侃傳

傳清河南陽 姬姓黃帝裔孫大由封傳邑殷時虞號則有

傳巖

傳說相商高宗

傳殺鄭大夫 莊十四年

傳寬漢陵侯 史記

傳介子漢昭帝命使大宛奉詔責樓蘭龜茲還拜中郎將平樂縣

樂監再使斬樓蘭王還封義陽侯居北地至晉司隸校尉咸徒

清河

傳商漢傳太后弟封汝昌侯 鄭崇傳

東武別燕庭氏校鈔

傳喜字雅游元帝后弟衛尉右將軍初后生定陶王康康生所是

為哀帝后預政喜數諫忤后賜金養疾何武唐林上書言喜行

義修潔傳氏賢子內輔良臣忤定陶后退共惜之忠臣社稷之

衛魯以季友治亂楚以子玉重輕魏以無忌折衝項以范增存

亡秦行千金間廉頗漢捐萬金疏亞父上拜喜大司馬封高武

侯

傳俊漢雲臺二十八將積弩將軍昆陽侯

傳毅字武仲蘭陵令史漢明帝夢神人身有日光飛在殿前上問

羣臣傳毅對曰天竺有佛將其神也曹丕與論傳毅班固伯仲

之間而固小之毅作舞賦見文選

傳燮字南容靈帝時崔烈議棄涼州燮曰斬崔烈天下乃安燮討黃中有功甄舉謂常侍趙忠傳南容有功不侯天下失望忠弟延求賂燮曰有功不侯命也豈求私賞哉出漢陽太守與韓遂戰沒謚壯節侯漢本傳

傳嘏字蘭石魏尚書節正始年夏侯玄何晏鄧颺欲結交嘏不受荀粲問之嘏曰太初平叔鄧玄妙三人將敗遠之猶恐禍及嘏子祗黃門侍郎河南尹

傳瓚漢書曰臣瓚索隱曰傳瓚劉孝標曰于瓚按晉書于瓚穆帝大將軍誅死又按漢書註引祿秩令茂陵書此二書亡于西晉于瓚不及見矣按穆天子傳目錄曰校書郎傳瓚與荀勗校穆

東武劉蕤氏校鈔

天子傳即尚及見茂陵書祿秩令又稱臣瓚以其為校書郎見崔駰史記序

傳玄字休奕晉司隸校尉御史中丞每有劾奏捧白簡整簪帶坐以待旦貴游懾伏臺閣生風與崔洪友善子咸

傳咸字長虞御史中丞剛簡有大節摩逆鱗持虎鬚以正直為權幸所憚咸上書言公私不足由設官多禹分九州今刺史繁倍戶口比漢十分之一郡縣多虛立軍府五等諸侯廩給皆出百姓當今急務在并官息役務農惠帝命太傅楊駿聽政咸曰諒陰不行久矣周公大聖猶致流言明公宜審進退數諫駿不平楊濟遺咸書曰諺云生子癡了官事官事未易了也想明公

咸曰酒色殺人甚於婦直畏忠直致禍者內心不正欲以
苟且為明哲耳駸果敗咸自北地徙清河惠帝拜司隸校尉卒
子數字穎根次子晞上虞令有政聲

傅亮字季友咸之孫直中書省專典詔命

傅琰字季珪父山陰令琰宋武康令山陰令父子有政聲琰在山
陰二人爭雞琰問何食一曰食豆一曰食粟劉難者粟杜言豆
者邑稱神明有傅氏家傳縣譜琰益州刺史時劉元明山陰武
康令政第一琰子翽與交代問告新之政劉曰有奇術君家縣
譜所不載凡作豔今日食二升米餓勿飲酒此第一義南史

傅綽使仕陳奉使齊薛道衡館伴綽贈詩五十韻道衡屬和南北

東武劉燕庭氏校鈔

稱美魏攸曰傅綽懸蚘投魚

傅永字脩期北魏安遠將軍魏主曰能上馬殺賊下馬草露布者
傅脩期也北史

傅伏北齊東雍州刺史救河陰投特進永興郡公北史

傅奕唐太史令駁佛教婆羅門僧有佛牙所擊無堅物奕謂子曰
金剛石性堅惟羚羊角可破試之應手碎唐太宗問佛法奕曰
有害國家無益百姓奏疏除佛奕年八十五集晉魏以來能駁
佛教者合錄為高職傳十卷奕移疾問醫忽酣卧起援筆曰傳
奕青山白雲人也以醉死因戒子孫曰六經明教若可習妖胡
邪法慎勿為唐紀

傅堯俞字欽之十歲能文司馬光曰清直勇三德欽之有焉即堯夫曰欽之至清不耀至直不激至勇而能溫拜御史諫官四年一百六十疏名重朝廷風節凜凜聞天下薦引皆吉士君子拜中書侍郎謚獻簡公年六十八從孫察

傅察字公晦益州進士蔡京欲以女妻之察不受宣和年使金死節贈徽猷閣三子自強自得自脩其母趙清獻公女避亂自廣州抵泉州自得年幼李公昉命賦玉界尺詩妻以女因家泉州擢宏詞科知寧國府福建運使謚忠肅公子伯壽伯成朱元晦志察墓自脩字勤道工部侍郎直寶章閣江西運使伯壽登科仕至樞密伯成登科集英殿修撰戶部侍郎知建寧府

東武劉燕庭氏校鈔

傅楫字元通初北地自傅亮季友任江南子孫居江淮間唐黃巢亂有自光州徙溫陵仙游者楫從陳襄受學襄曰傅元通金石交也以女妻之治平年登科徽宗拜中書舍人龍圖閣待制知亳州子友諒紹聖登科

傅淇字子瞻紹聖年登科

傅誠字信叔俱登科

傅子雲字季魯陸象山高弟學者稱琴山先生

富 森郎 陳留 姓慕周大夫富辰 魯大夫富父終甥 漢

先賢陳留太守富允文

富辰請召太叔 僖二十二年

富辛如晉載請城成周昭三十三年

富嘉謨吳少微俱晉陽尉文章稱吳富體與魏咨綺文章齊名稱
北京三傑張說曰富文章孤峯絕岸壁立萬仞濃雲蔚興震雷
俱發誠可畏也若施之廊廟則駭矣以韋嗣薦嘉謨拜左臺監
察御史唐

富弼字彥國初名皋晏殊屬范仲淹求壻范曰監中富皋張惟肖
晏以女妻弼茂才異等登科歷戶部侍郎奉使還拜左僕射司
空封鄭國公熙寧年致仕歸洛年六十八司馬光不拜樞密求
判西臺年五十三元豐年文彥博守西都慕唐香山九老會延
集十二人於洛陽為耆英會建耆英堂於資聖寺命鄭興圖繪

東武劉燕庭氏校鈔

其像於妙覺寺富弼時年七十九文彥博席汝言王尚恭趙丙
劉象馮行世樊建中王謹言張問張昌言司馬光皆賦詩居實
序尚齒不尚爵潞公曰當年尚齒尤多幸十二人中第二人鄭
公曰顧我年齒為第一在公勲德自無雙潞公又曰惟公福壽并
勲德合是人間第一流王拱辰自大名府貽書文富諸公願預
會增為十三人富自汝州歸洛卜宅天津橋邵康節居相近康
節和寒酷暑不出春秋招或不來不招或自至弼謚文忠公子
紹庭紹京紹隆紹隆光祿丞

輔 扶風 春秋輔蹠晉大夫 輔果智氏別族

輔良漢尚書令

輔公祐唐李靖取輔公祐於丹陽

附

附都後漢段穎將

附德音唐監察御史

附不疑唐上元年進士

務

務光夏時人耳長七寸好琴服蒲根湯衣桀謀於光對曰非吾事

也湯以天下讓於光光負石自沉於水而匿 漢古今人表

步濟陽 春秋晉大夫步揚其先食采步 北魏步六孤改陸

氏 北齊步大千氏 西戎步六根改步氏 步殺豆却姓

東武劉燕庭氏抄鈔

步叔乘字子車齊人 淳于伯封博昌侯贊曰勉勉子車封邑淳

于親突避席唯恐趨隅發微既博雅道是扶抑可尚也不亦善

乎

步舒漢儒林傳

步騭字子山淮陰人吳時稱英俊累遷西陵都督騭在西陵二十

年德度規法見重當世鄰國服其威信 吳志

步闡吳西陵都督

步熊字叔巖好卜筮術數 晉書藝術傳

路 平陽 京兆 穎川 安定 東陽 河南 凡六望

黃帝封支子於潞 今上黨潞縣 春秋潞子嬰兒

路溫舒字長君鉅鹿東里人父里門監使溫舒牧羊取澤中蒲截為牒編寫習之善書求為獄吏太守行縣見署法曹史受春秋通大義舉孝廉由邑丞守廷尉史上書宣帝言帝尚德緩刑子孫俱收守大官

路博德漢伏波將軍

路粹字文蔚受學蔡邕嚴象俱尚書郎象揚州刺史粹軍諮祭酒與陳琳阮瑀典記室孔融薦禰衡表近日路粹嚴象以異材擢

其臺郎 漢書

路邕北魏青州刺史

路去病齊殿中侍御史

東武劉燕庭氏校鈔

路時慶字伯瑞定州長安人北史

路祖綽陽平太守

路祖璧路仲信路敬純俱進士詔敬純集慶恤儀典武后令著姓氏系畧衣冠系錄百篇

路嗣恭唐德宗擢西川觀察使時元載王縉秉政賄賂公行不按駐使者二十年嗣恭按度州刺史源叟翰唐書

路應嗣恭子以李泌薦自屯田郎歷光祿散騎常侍上柱國襄陽郡王韓愈作神道碑見韓文

路泌從渾瑊死節平涼

路隋唐文宗擢自翰林拜中書侍郎同平章代韋處厚

露

露平漢上黨都尉

孺

孺悲欲見孔子

茹

茹法珍齊東昏侯時制局監

南史恩倖傳

茹法亮齊武帝中書舍人與呂文顯等各守一省稱四舍人

同上恩倖傳

固

固桑晉平公浮西河曰安得賢士共此樂乎舟人固桑對曰劍產

於越珠生漢水玉蒸昆山三寶者無足而至好之也君好賢賢

東武劉燕庭氏校鈔

士至矣公曰吾食三千朝食不足暮收市祖尚不好賢乎對

曰鴻鵠高舉所恃六翮若腹背之毛毳增減一把飛不為害不知

君之食客其六翮耶其腹背之毛毳耶一云蓋脊通鑑外紀

顧 武陵

商頌詩長發常顧夏殷諸侯已姓伯爵今濮州范縣

顧城 唐宰相一 琮

顧雍謹言寡動侍晏吳主曰顧公在座使人不敢樂臣下有酒失

必見之雍位丞相選用文武將吏各隨所能心無適莫常訪遠

民間及政職所宜密以上聞不泄於外公朝陳述所執必正子

邵及祿孫譚字子默承字子直 吳志本傳

顧榮字彥先自吳入洛薛廣紀瞻閔鴻賀循顧榮稱五俊張華目

為南金東箭世胄高門榮為齊王同府主簿酣飲不省府事嘗
與白同徙榮中書侍郎同僚飲晏榮見執事者有欲災之色副
災暗之曰安可執事終日而不知味者及趙王倫敗前執事者
為督救免榮王導曰顧榮賀循東士之望 晉惠紀

顧和字君孝為童時有清操族叔榮曰吾家麒麟與吾宗者同宗
顧球亦有令聞為州別駕榮曰卿連步君孝超鄉矣穆帝永和
年褚裒薦前光祿顧和除尚書令和以母喪不起復君子美其
孝曾孫琛字弘偉尚書郎

顧悅之字君叔晉籍文同歲生髮先白問對曰松柏之姿經冬獨
秀蒲柳之質望秋葉零授尚書左丞子愷之

東武劉燕庭氏校鈔

顧愷之字長康有箏之以此稱康琴賦為桓溫參軍愷之好諧謔
又為殷仲堪參軍因假還借仲堪布帆至破冢遭風與仲堪箋
曰地名破冢真破冢而出行人安穩布帆無恙在荊州或問會
稽山川對曰千巖競秀萬壑爭流草木蒙籠雲與霞蔚桓立殷
仲堪作了語愷之曰大燒平原無遺燧仲堪曰投魚深泉放籠
鳥立作危語曰矛頭淅米劍頭炊仲堪曰百歲老翁攀枯枝一
叢軍曰盲人騎瞎馬夜半臨深池仲堪曰此語逼人愷之曰啖
蔗自尾漸入佳境善丹青每畫人數年不點睛曰四體妍媸無
闕妙處傳神寫照正在阿堵中以嵇康四言為圖云手揮五絃
易目送飛鴻難圖裴楷加三毫圖謝琨巖石裏圖殷仲堪胡燕

腫神飛白拂上如輕雲蔽月愷之有畫一厨桓立偷去緘題如
初曰妙畫通神愷之畫所遇祗寒盛暑疾風暴雨不下筆天地
明朗登樓去梯染毫其妻子亦不見興寧^年建瓦棺寺題注以十
萬計愷之注百萬句疏命治壁作維摩像閉門點睛語僧曰第
一日開門必十萬次日必五萬三日後隨喜果收百萬建康錄
世說云愷之為虎頭將軍名畫記云小字虎頭義熙年拜散騎
常侍謝瞻連省月夜長咏達旦桓温府中云其癡點各半才絕
畫絕癡絕年六十二卒於官有文集啓蒙晉書本傳

顧凱之字偉仁宋文帝授山陰令劇邑三萬戶前政晝夜不休凱
之御繁以約縣內無事晝日垂簾門塔閉寂宋世山陰令務簡

東武劉燕庭氏校鈔

政理莫及遷吏部帝論江東人物凱之正色謂顧榮袁淑曰
卿以忠義笑人與謝莊同尚書蔡興宗嫌其風節太峻凱之曰
辛毗有言孫劉輩能使我不為三公耳人稟命有定分妄意微
俸徒虧雅道以其意命弟子愿作定命論子綽富積財里人多
負債凱之誘掖其子出券一厨悉焚之孫憲之
顧憲之字士思宋建康令政清人和都下飲酒醇者曰顧建康清
且醇也仕齊衡陽內史一日刺史王奐至衡陽無訟奐曰若顧
衡陽之化至矣遷給事黃門尚書吏部侍郎初其祖凱之宋吏
部列垣加樹曰吾為憲之植至齊憲之果為吏部南史宋書
顧野王字希為仕齊黃門侍郎天文地理卜筮皆通撰玉篇

嘉蔭錄

顧越字允南專門明經通儒碩學拜五經博士儒林傳

顧少連字夷仲登封主簿邑有虎少連移文岳神虎不為患遷中

書舍吏部時裴延齡田賜同飲少連曰段秀實笏擊賊吾笏擊

姦臣逆擊延齡以元友直解之拜京兆尹東都留守

唐史

顧况字通翁一子名非熊卒况哭曰老人喪愛子日暮淚成血老

人年七十不作多時別非熊冥中聞父哭哀告冥司再生况家

三歲自言其事長登科况著作郎唐詩人非熊盱眙主簿列唐

詩人之目

顧曼唐太尉有樂府見聞集

顧栖蟾與僧虛中齊不結詩盟

東武劉燕庭氏校鈔

顧臨字子敦元祐年中事中天章閣待制河北運使蘇軾送以詩

王立之詩話顧臨肥偉時稱顧屠蘇磨刀向豬羊平生批敕手

等句皆以屠譏之也

顧復本從宗澤勤王

扈京兆風俗通

扈果三國魏

扈輟趙將軍

扈載五代時文士詠相國寺竹作碧鮮賦周世宗稱善以王朴之

薦丞相李穀曰扈載命薄遷載知制誥翰林學士歲餘卒

扈蒙宋尚書

敬

敬巴善鼓瑟游魚出聽 淮南子

庫 風俗通 古倉氏庫氏以官氏 漢複姓二庫狄氏庫門氏

庫鈞漢封輔義侯 實融傳

庫狄峙周少師

庫狄伏連北齊

庫狄顯安北齊 見陳帝紀

新編古今姓氏通彙卷六至卷之十全

東武劉燕庭氏校鈔



書